



NOGOMET U FEDERACIJI BiH



PROPOZICIJE

takmičenja/natjecanja
nogometnih liga Federacije BiH
u takmičarskoj/natjecateljskoj 2016/2017 godini

SADRŽAJ:

- ODLUKA O PROPOZICIJAMA TAKMIČENJA ZA PRVENSTVO PRVE LIGE FBiH
- ODLUKA O PROPOZICIJAMA KUPA FEDERACIJE BiH
- ODLUKA O PROPOZICIJAMA TAKMIČENJA ZA PRVENSTVO DRUGE LIGE FBiH
- ODLUKA O DNEVNICAMA, PUTNIM TROŠKOVIMA I DRUGIM NAKNADAMA
- ODLUKA O VISINI NOVČANIH KAZNI ZA KLUBOVE, IGRAČE, FUNKCIONERE I STRUČNA LICA
- ODLUKA O NAČINU VOĐENJA TAKMIČENJA U DRUGOJ LIGI FBiH
- ODLUKA O SJEDIŠTU I TAKMIČARSKIM ORGANIMA GRUPA DRUGE LIGE FBiH
- ODLUKA O IMENOVANJU TEHNIČKIH SEKRETARA DRUGE LIGE FBiH
- ODLUKA O KOTIZACIJI TAKMIČENJA

NOGOMETNI SAVEZ FEDERACIJE BiH
IZVRŠNI ODBOR NS F BiH

PROPOZICIJE

takmičenja/natjecanja
Prve lige Federacije BiH
za takmičarsku/natjecateljsku sezonu 2016/2017

Sarajevo: juni/lipanj 2016.g.

Broj: 527/16
Sarajevo: 29.06.2016.

Izvršni odbor Nogometnog saveza Federacije Bosne i Hercegovine, na osnovu člana 32. Statuta Nogometnog saveza Federacije Bosne i Hercegovine i člana 4. Pravilnika o nogometnim takmičenjima NS/FS BiH, na sjednici održanoj 29.06.2016. godine u Sarajevu, donosi s l j e d e ć e:

PROPozICIJE
takmičenja/natjecanja
Prve lige Federacije BiH
za takmičarsku/natjecateljsku sezonu 2016/2017

OPŠTE ODREDBE:

Član 1.

Ovim Propozicijama utvrđuje se način organiziranja i provođenja takmičenja/natjecanja u Prvoj ligi Federacije BiH u takmičarskoj/natjecateljskoj 2016/2017 godini.

UČESNICI TAKMIČENJA/NATJECANJA:

Član 2.

U takmičenju/natjecanju za prvenstvo Federacije Bosne i Hercegovine za takmičarsku/natjecateljsku 2016/2017 godinu u Prvoj nogometnoj ligi Federacije BiH sudjeluje 16 (šesnaest) klubova sa prostora Federacije BiH.

USLOVI ZA UČESTVOVANJE U TAKMIČENJU/NATJECANJU:

Član 3.

Za sudjelovanje u takmičenju/natjecanju Prve lige Federacije BiH, pored ostalih, klubovi moraju ispunjavati slijedeće uvjete:

IGRALIŠTA:

1. Da posjeduju odgovarajuće igralište sa kvalitetnom travnatom plohom za igru, sa prirodnom podlogom, dimenzija 100 -110 m dužine i 64-75 m širine. Teren mora biti travnat cijelom površinom i potpuno ravan da bi se omogućilo normalno kretanje.

Utakmice Prve lige mogu se igrati samo na terenima sa prirodnom podlogom.

Teren za igru mora biti odvojen od gledališta žičanom (zatvorenim) ogradom punog profila i odgovarajućeg kvaliteta. Ograda mora biti udaljena najmanje dva (2) metra od uzdužne linije igrališta i tri (3) metra od poprečne linije iza vrata (golova) u visini kaznenog prostora. Minimalna visina ograde je 120 cm, računajući sa nivoa tribina.

2. Igralište mora posjedovati zaštitne kabine odgovarajućeg kvaliteta za rezervne igrače i stručno vodstvo ekipa za najmanje 13 osoba (13 fiksiranih sjedalica) kao i odvojenu kabinu za delegata utakmice, a sve zaštićeno od kiše i vjetrova. Kabine se postavljaju na uzdužnoj strani igrališta, propisno udaljene od terena za igru, odnosno uzdužne linije (dva do tri metra).

3. Na stadionu moraju postojati svlačionice za obje ekipe i posebna svlačionica za suce. Sve svlačionice trebaju imati mokre čvorove- kupatila sa toplom vodom, za igrače sa tri (3) tuš ruže, a kod sudaca jedna (1) tuš ruža. Svaka svlačionica (sudijska posebno) treba imati zaseban WC.

4. Stadioni gdje se igraju utakmice Prve lige Federacije moraju imati tribine sa najmanje 2.000 mjesta za sjedenje, a od toga najmanje 1.000 individualnih sjedišta (sjedalica).

5. Izlazak na teren i povratak igrača u svlačionicu, stručnih rukovodstava ekipa, delegata i sudaca, mora biti osiguran i odvojen od gledatelja. Prolaz od svlačionica do terena za igru mora biti fizički odvojen od gledatelja i mehanički zaštićen (tunel za izlazak igrača i službenih osoba od svlačionica do terena).

6. Na stadionu treba biti posebna prostorija za sastavljanje zapisnika. Na stadionima klubova i za utakmice Prve lige u službenom prostoru za zapisnik, klub domaćin treba da obezbijedi:

-ispravan kompjuter sa štampačem,

-ispravnu internet konekciju za potrebe COMET informacionog sistema,

-ispravnu telefonsku liniju i telefaks.

Neispunjavanje uvjeta ove tačke sa sobom povlači disciplinske posljedice.

7. Klub organizator dužan je obezbijediti jednu kontrolnu sobu za hitno okupljanje krizne grupe na utakmici.

Ova kontrolna soba služi za hitno okupljanje: delegata, službenih predstavnika klubova, komesara za bezbjednost domaćina i predstavnika policije u slučaju krizne situacije.

U slučaju krizne situacije formirat će se krizni štab sa delegatom, komesarom za bezbjednost, pripadnicima MUP-a te službenim predstavnicima obje ekipe, koji će ocjeniti ima li elemenata za nastavak ili prekid date utakmice.

8. Uz teren ili na tribinama, za snimatelja utakmice mora biti izrađeno uzvišeno i potpuno zaštićeno od vremenskih neprilika i publike mjesto minimalne visine 3,0 metra, na poziciji središnje crte igrališta kako bi se mogao pokriti cijeli teren za snimanje.

Snimanje utakmica Prve lige vršit će neovisna TV agencija koju bira IO NS FBiH. Snimateljima TV agencije klub domaćin je obavezan omogućiti sve uslove za nesmetano i slobodno snimanje, pod prijetnjom disciplinskih sankcija.

Klub domaćin Prve lige obavezan je omogućiti snimanje utakmice zainteresiranom klubugostu pod prijetnjom disciplinskih sankcija.

9. Igralište mora biti primljeno od nadležne Komisije NS FBiH za prijem igrališta i registrirano za odigravanje prvenstvenih utakmica. Zapisnik o prijemu-registraciji igrališta treba da je javno istaknut u prostoriji gdje se sačinjava zapisnik utakmice.

OSTALI UVJETI:

1. Klub mora ispunjavati uvjete iz Normativa minimuma stručno-pedagoškog rada za mlađe kategorije nogometaša u osnovnim nogometnim organizacijama;

2. Klub Prve lige FBiH u cijelom toku takmičarske sezone u stalnim takmičenjima/natjecanjima mora imati uključene četiri omladinske selekcije što se odnosi na pretpionire (U-13), pionire (U-15), kadete (U-17) i juniore (U-19), od kojih juniori i kadeti moraju u cijelom toku takmičarske/natjecateljske sezone igrati u Omladinskoj ligi BiH grupa „Centar“, „Jug“, „Sjever“ ili „Zapad“ koje vode NS FBiH i FS RS.

3. Selekcije pionira (U-15) i pretpionira (U-13) kluba člana Prve lige FBiH za seniore u toku cijele takmičarske/natjecateljske sezone moraju igrati u omladinskim ligama kantona/županija.

4. Klub koji u toku takmičarske sezone sa nekom od omladinskih selekcija odustane od takmičenja/natjecanja ili shodno odredbama DP NS/FS BiH bude isključen iz takmičenja, snosit će disciplinske sankcije prema odredbama Disciplinskog pravilnika NS/FS BiH.

5. Klubovi Prve lige Federacije potrebno je da imaju školu nogometa za uzraste od 7-11 godina, u kojoj bi se djeca neprekidno nogometno educirala.

6. Za takmičarske/natjecateljske utakmice klub-domaćin, odnosno organizator utakmice, u Prvoj ligi obavezan je osigurati najmanje šest (6) lopti, koje u svemu moraju odgovarati propisima Pravila nogometne igre. U slučaju da se utakmica igra po snijegu- odnosno da je teren pokriven snijegom, lopta mora biti crvene boje.

Član 4.

Klubovi koji ne ispunjavaju uvjete iz člana 3., pod „igralište“ ovih Propozicija, mogu u cilju provođenja takmičenja/natjecanja uzeti pod zakup igralište nekog drugog kluba ili vlasnika, potpisivanjem sporazuma o korištenju igrališta, s tim da isto ispunjava uvjete iz člana 3, pod „igralište“ ovih Propozicija.

Član 5.

Takmičenjem/natjecanjem Prve lige Federacije rukovodi Izvršni odbor NS FBiH putem takmičarskih/natjecateljskih organa.

Takmičenje/natjecanje u Prvoj ligi FBiH administrativno se vodi kroz COMET informacijski sistem.

Član 6.

Prvenstvena takmičenja/natjecanja provode se po dvostrukom bod-sustavu i vremenski utvrđenom kalendaru, sa dvije takmičarske/natjecateljske polusezone, jesen i proljeće.

Kalendar i raspored takmičenja/natjecanja, na prijedlog Komisije za takmičenje/natjecanje, usvaja IO NS FBiH, najkasnije 30 (trideset) dana prije početka jesenjeg, odnosno proljetnog dijela prvenstva.

Raspored utakmica za prvenstvo Prve lige FBiH određuje se žrijebom takmičarskih/natjecateljskih klubova sudionika i primjenom „Bergerove tablice“.

Član 7.

Nakon utvrđenog rasporeda takmičenja/natjecanja za prvenstvene i kup utakmice, klubovi su obavezni u roku od pet (5) dana da dostave u Sekretarijat za takmičenje:

- naziv igrališta na kome će igrati utakmice;
- mjesto odigravanja utakmica;
- boju dresova (dres, shorts i štucne), kao i rezervnu boju sa kojom će klub nastupati;
- dan odigravanja utakmica (subota ili nedjelja).

Član 8.

Klub domaćin igra utakmice u mjestu sjedišta kluba, a u nedostatku terena na drugom primljenom terenu za koji je dobio suglasnost nadležnog organa, koji ne može biti van kantona/županije u kome je sjedište kluba, izuzev ako se radi o terenu koji se nalazi na području drugog kantona/županije, a nije udaljen više od 50 km od mjesta sjedišta kluba.

Igralište koje klub prijavi pred početak takmičarske/natjecateljske sezone ne može mijenjati tokom sezone, izuzev u iznimnim situacijama o kojima odlučuje takmičarski/natjecateljski organ uz poštivanje principa regularnosti takmičenja/natjecanja.

Ukoliko je za odigravanje utakmica u okviru takmičenja/natjecanja Prve lige FBiH kao zamjenski teren prijavljen teren kluba Druge lige FBiH ili kluba nižeg ranga takmičenja/natjecanja teren mora biti primljen od nadležne Komisije NS FBiH za prijem terena.

Pregled i prijem terena nije potrebno izvršiti ukoliko se radi o terenu kluba BH Telecom Premijer lige BiH.

Član 9.

U interesu što regularnijeg odvijanja završnog dijela takmičenja/natjecanja, tri (3) posljednja kola igraju se istog dana, u isto vrijeme, prema utvrđenom rasporedu takmičenja/natjecanja.

Klub je dužan na teren doći najkasnije 90 minuta prije utakmice i nastupiti sa najboljim sastavom bez obzira na plasman ekipa i značaj postizanja rezultata na tim utakmicama.

PROMJENA TERMINA UTAKMICA:

Član 10.

Promjena termina odigravanja utakmice može se vršiti na osnovu podnesenog pismenog zahtjeva zainteresiranog kluba, koji mora biti podnesen Komisiji za takmičenje/natjecanje NS FBiH, najkasnije osam (8) dana prije utvrđenog termina odigravanja utakmice, a koji sadrži razlog zbog kojeg se traži promjena termina utakmice s priloženom dokumentacijom iz koje se može utvrditi opravdanost podnesenog zahtjeva sa eventualnim prijedlogom za novi termin odigravanja utakmice.

U slučaju kada zahtjev za promjenu termina nije podnesen u skladu sa prethodnim stavom, Komisija za takmičenje/natjecanje može promijeniti termin utakmice samo ukoliko je klub koji traži promjenu termina dostavio i pismenu saglasnost drugog kluba, što je moguće najkasnije tri (3) dana prije utvrđenog termina utakmice.

Kada se utakmica odlaže zbog bolesti igrača (trovanja i slično), to se može učiniti ukoliko je bolesno najmanje 7 (sedam) standardnih igrača koji su odigrali najmanje 70% prethodnih utakmica u toku tekućeg jesenjeg ili proljetnog dijela prvenstva.

Kada Komisija za takmičenje NS FBiH dobije pismeni zahtjev kluba za odgodu utakmice zbog bolesti igrača sa kompletnom validnom medicinskom dokumentacijom iz odgovarajuće medicinske ustanove (uredan, čitljiv i tiskan elektronski nalaz nadležnog specijaliste, dijagnoza, mišljenje o dužini bolovanja i sl.), donijet će odluku o odgodi utakmice, uz mogućnost traženja mišljenja od Komisije za sportsku medicinu NS FBiH.

Kada je došlo promjene termina utakmice, Komisija za takmičenje NS FBiH će donijeti odluku da se ona odigra u prvom slobodnom terminu (ako su prestali razlozi zbog koje je utakmica odgođena), pod uslovom da svaki klub ima najmanje dva slobodna dana između odigravanja dvije utakmice.

Član 11.

Utakmice se mogu igrati samo na terenu koji je podoban za igru.

Klub domaćin je obavezan da teren pripremi za igru tako da bude potpuno pripremljen za odigravanje utakmice. Za svaku nepravilnost odgovoran je klub-domaćin, odnosno organizator utakmice. Da li je teren pripremljen za igru ili nije, odlučuje glavni sudac koji je određen da vodi utakmicu i to u trenutku koji je službeno određen za početak utakmice. Izuzetno, pregled može biti izvršen i ranije, ali istog dana i u nazočnosti oba kapitena i suca. Sudac koji je određen da vodi utakmicu jedini odlučuje da li je teren nepodoban za igru zbog nevremena, drugih okolnosti koje se smatraju višom silom, ili zbog nemarnosti kluba domaćina.

Sudac i delegat obavezni su da u zapisnik unesu zaključak o neispravnosti terena ili zaključak da teren nije bio podoban. Delegat će zapisnik kroz COMET sistem dostaviti Komisiji za takmičenje/natjecanje.

NAJMANJI BROJ IGRAČA U IGRI:

Član 12.

Utakmica ne može da počne ako jedan od timova ima manje od 7 (sedam) igrača, shodno članu 40. Pravilnika o nogometnim takmičenjima/natjecanjima NS/FS BiH i pravilu III Pravila nogometne igre. Igrači koji nisu upisani do početka utakmice u zapisnik, ne mogu nastupati na utakmici.

Ako jedan tim za vrijeme trajanja utakmice ostane sa manje od 7 (sedam) igrača, sudac je dužan zaustaviti igru, a ako u roku od 5 (pet) minuta klub ne nastupi s minimalnim brojem igrača, sudac je dužan da označi kraj utakmice, shodno članu 41. Pravilnika o nogometnim takmičenjima NS/FS BiH i pravila III Pravila nogometne igre.

Svaki klub prijavljuje u zapisnik 18 (osamnaest) igrača. U igri sudjeluje 11 (jedanaest) prijavljenih igrača, a tokom utakmice mogu se izvršiti 3 (tri) zamjene.

Klubovi koji nemaju minimalno 16 (šesnaest) igrača u zapisniku utakmice snosit će disciplinske sankcije.

Predstavnici klubova obavezni su dostaviti delegatu sastav ekipa sa ispravnim igračkim legitimacijama i akreditacijama službenih osoba kluba, najkasnije 60 minuta prije početka utakmice na posebno izrađenom obrascu izdatom od strane NS FBiH.

Spisak mora biti ovjeren i potpisan od zvaničnog predstavnika kluba. Spisak prijavljenih igrača mora sadržavati podatke svih igrača prijavljenih u COMET sistemu.

Delegat utakmice dužan je sačuvati dostavljene spiskove igrača, te na traženje nadležnih komisija iste dostaviti u Sekretarijat NS FBiH.

ORGANIZACIJA UTAKMICE – Dužnost klubova

Član 13.

Organizaciju utakmice provode klubovi koji igraju na domaćem terenu.

Klub domaćin isključivo je nadležan za red i sigurnost prije, tokom i nakon utakmice i bit će pozvan na odgovornost zbog bilo kojeg incidenta, te može biti kažnjen u skladu sa odredbama Disciplinskog pravilnika NS/FS BiH.

Svaki klub dužan je na teren doći 90 minuta prije utakmice i nastupiti sa najboljim sastavom tima.

Kantonalni/županijski savezi dužni su svojim klubovima članicama pružiti svu neophodnu pomoć za uspješnu organizaciju utakmice.

Neizvršavanje obaveza iz ovog člana povlači disciplinsku odgovornost prema odredbama Disciplinskog pravilnika NS/FS BiH.

Član 14.

Klub domaćin dužan je omogućiti delegatu održavanje organizacionog sastanka (brifinga) sat i pol prije odigravanja utakmice sa službenim licima koje vrše organizaciju utakmice, službama zaduženim za sigurnost, vođama ekipa, rukovodstvom stadiona i medicinskom službom. Navedeno se odnosi na natjecanje na nivou Prve lige Federacije BiH.

Zapisnik se sastavlja u za to predviđenoj posebnoj prostoriji, uz prisustvo sudaca, delegata i predstavnika klubova.

Član 15.

Najkasnije sat vremena prije odigravanja utakmice, ovlašteni predstavnici klubova dostavljaju delegatu utakmice na uvid nogometne iskaznice igrača koji toga dana nastupaju, kao i takmičarske akreditacije za službenog predstavnika, komesara za bezbjednost, glavnog trenera, pomoćne trenere, ljekara i fizioterapeuta.

Ovlašteni predstavnik kluba obavezan je na organizacioni sastanak donijeti na uvid po jedan primjerak sportske opreme (oprema za igrača i vratara) u kojima će klubovi nastupati (dres, šorts i štucne).

Glavni sudac utakmice će na organizacionom sastanku izvršiti provjeru cjelokupne opreme timova i sudaca te odobriti boju sportske opreme za utakmicu i o tome obavijestiti delegata.

Na klupi kluba Prve lige mogu sjediti glavni trener i treneri samo sa validnom TAKMIČARSKOM trenerskom AKREDITACIJOM Centra za edukaciju NS/FS BiH kao dozvolom za rad za određenu godinu.

Takmičarske akreditacije glavnog trenera i trenera moraju biti propisno ovjerene i validne za **2016.** godinu (prvi dio sezone) a zatim i za 2017.godinu (drugi dio sezone) od strane Centra za edukaciju kadrova NS/FS BiH.

Takmičarske akreditacije službenog predstavnika, ljekara i fizioterapeuta kluba Prve lige FBiH validne su ako su izdane od strane NS FBiH za takmičarsku/natjecateljsku 2016/2017 godinu.

Član 16.

Za vrijeme odigravanja prvenstvenih utakmica u stadionu, pored terena za igru, u tehničkom prostoru mogu se nalaziti lica akreditovana od strane NS FBiH i koja ispunjavaju kriterije u postupku licenciranja za takmičenje Prve lige FBiH:

1. PREDSTAVNIK KLUBA u odijelu (sa kravatom ili ne, uz vidno istaknutu akreditaciju izdatu od NS FBiH).
2. GLAVNI TRENER sa „PRO“ takmičarskom akreditacijom Centra za edukaciju kadrova N/FS BiH u odijelu ili trenerci kluba.
3. DVA POMOĆNA TRENERA sa „PRO“ ili „A“ takmičarskom akreditacijom Centra za edukaciju kadrova NS/FS BiH u trenerci kluba.
4. Igrači u sportskoj opremi sa markerima
5. Ljekar kluba u odijelu ili trenerci (uz vidno istaknutu akreditaciju)
6. Fizioterapeut u trenerci kluba (uz vidno istaknutu akreditaciju)

„B“ i „C“ TAKMIČARSKA AKREDITACIJE Centra za edukaciju kadrova NS/FS BiH, ne vrijede za utakmice takmičenja/natjecanja Prve lige FBiH.

Klubovi Prve lige Federacije BiH obavezni su na svim prvenstvenim i Kup utakmicama prijaviti u zapisnik minimalno jednog trenera sa odgovarajućom takmičarskom akreditacijom, koji će za vrijeme utakmice obavljati dužnost u tehničkom prostoru. Predstavnik kluba, glavni trener ili pomoćni trener ne mogu biti ista osoba.

Klubovi koji ne postupe u skladu sa prethodnim stavom podliježu disciplinskim sankcijama.

Delegat je obavezan da u zapisnik upiše ime i prezime službenog predstavnika, glavnog trenera, trenera, liječnika i fizioterapeuta jedne i druge ekipe i upiše broj takmičarske akreditacije. Ako delegat utakmice utvrdi da službeni predstavnik, glavni trener, pomoćni trener, ljekar ili fizioterapeut nema odgovarajuću takmičarsku akreditaciju, neće im dozvoliti da uđu u ograđeni dio terena za igru.

Delegat je obavezan prije utakmice izvršiti identifikaciju svih osoba u kabinama za rezervne igrače, na način što će utvrditi da li se fotografije sa akreditacija podudaraju sa likom osoba, kao i da li se prijavljene osobe sa takmičarskim akreditacijama zaista i nalaze u kabinama.

Klub Prve lige je obavezan da ima i kod NS FBiH akreditiranog komesara za sigurnost pod prijetnjom disciplinskih sankcija, što delegat konstatuje i upisuje u delegatski izvještaj.

Član 17.

Klub domaćin je dužan na zahtjev gostujuće ekipe, a prema mogućnostima, izvršiti rezervaciju smještaja i ishrane, te da se stara o njihovom dočeku, boravku i ispraćaju.

Sve troškove iz prethodnog stava snosi gostujuća ekipa.

Klub domaćin je obavezan poduzeti sve potrebne mjere za sigurnost sudaca, delegata, posmatrača suđenja i gostujuće ekipe.

Dolazak, ishrana i ostalo za službena lica: sudija, delegat, posmatrač propisani su odlukom Izvršnog odbora NS FBiH o kodeksu ponašanja.

Član 18.

Klub je obavezan na svim utakmicama postaviti na jarbole državnu zastavu Bosne i Hercegovine i zastavu Nogometnog/fudbalskog saveza BiH. Mogu se postaviti zastave Federacije BiH, NS Federacije BiH, kantona/županija, klubova kao i zastava fair-playa. Postavljanje drugih zastava nije dozvoljeno. Istaknute zastave moraju biti istih dimenzija.

Klub domaćin dužan je da poduzme sve mjere u cilju osiguranja osoba: članova gostujuće ekipe, sudaca, kontrolora i delegata, kako za vrijeme odigravanja utakmice, tako i po završetku utakmice, sve do napuštanja igrališta i mjesta odigravanja utakmice.

Klub domaćin obavezan je preuzeti sve potrebne radnje vezano za organizovani dolazak i smještaj gostujućih navijača, smjestiti ih u gledalište na posebnom mjestu i izvršiti osiguranje

istih prije, u toku i poslije utakmice, a gostujući klub obavezan je blagovremeno u pismenom obliku izvršiti najavu organizovanog dolaska vlastitih navijača.
Najmanje 5% u odnosu na ukupni kapacitet mora biti na raspolaganju gostujućim navijačima u zasebnoj, odvojenoj zoni sa bezbjednosnim standardima.

Član 19.

Domaći klub je također dužan da osigura odgovarajuću dežurnu redarsku službu sa najmanje 6 redara vidljivo obilježenih i osposobljenih za obavljanje te funkcije, voditelja osiguranja (komesara bezbjednosti) te prisustvo pripadnika MUP-a, akreditiranog ljekara i dežurno vozilo hitne medicinske pomoći sa medicinskom opremom, medicinskim osobljem i vozačem, te nosila sa osobljem za iznošenje ozlijeđenih igrača izvan terene za igru, a po potrebi i druge službe.

Klub domaćin obavezan je izvršiti prijavu utakmice (javnog skupa) kod nadležne policijske uprave i delegatu utakmice dokazati da je utakmica prijavljena kod PU ili da je izdato odobrenje (shodno važećim zakonskim odredbama), ali i pravodobno se starati da osigura prisustvo pripadnika MUP-a na organizacionom sastanku te za vrijeme odigravanja utakmice.

Bez pripadnika MUP-a, voditelja osiguranja (komesara bezbjednosti) i redara, vozila hitne medicinske pomoći, te ljekara (akreditiranog kod NS FBiH) utakmica se neće igrati.

Klub domaćin obavezan je postupiti u skladu sa prethodnim odredbama ovog člana, jer se u protivnom utakmica neće odigrati, a isti će snositi sve posljedice neodigravanja utakmice.

Predstavnik kluba:

Član 20.

Svaki klub na utakmicama stalnog takmičenja mora odrediti zvaničnog predstavnika kluba. Predstavnik kluba mora prisustvovati redovnim seminarima NS FBiH i mora biti akreditiran od strane NS FBiH. Predstavnik kluba ne može biti trener ekipe koji je dobio takmičarsku akreditaciju u toj takmičarskoj godini, niti trener koji je u toj takmičarskoj godini dobio takmičarsku akreditaciju za vođenje drugog kluba. Predstavnik kluba za vrijeme odigravanja utakmice mora imati istaknutu takmičarsku akreditaciju izdatu od strane NS FBiH.

Komesar za bezbjednost/voditelj osiguranja:

Član 21.

Klub organizator je dužan odrediti voditelja osiguranja/komesara bezbjednosti, kao osobu nadležnu za sva pitanja bezbjednosti i sigurnosti na stadionu u sklopu organizacije utakmice. Voditelj osiguranja/komesar bezbjednosti može biti:

a) osoba koja je dio uprave –administracije kluba;

b) osoba ili kompanija za zaštitu izvan uprave– administracije kluba sa mandatom kluba datom kroz pisani ugovor

Osoba ili kompanija koja zadovoljava kriterij, mora prisustvovati redovnim seminarima NS FBiH i mora biti akreditirana od strane NS FBiH. Voditelj za sigurnost/komesar bezbjednosti mora imati iskustvo o pitanjima koja su povezana s kontrolom publike, zaštitom i sigurnošću na nogometnim objektima, javnim redom, pitanjima ulaznica i organizacijom utakmica.

Zadaci voditelja osiguranja/komesara bezbjednosti, njegove obaveze i prava moraju biti u skladu sa svim odredbama iz Pravilnika o bezbjednosti na stadionima.

Član 22.

Klubovi su dužni na utakmicama Prve lige FBiH angažirati najmanje četiri (4) pripadnika profesionalne zaštitarske agencije, koji će se potpuno profesionalno starati za sigurnost svih aktera utakmice.

Također, klubovi su obavezni u saradnji sa nadležnom policijskom upravom sačinje plan bezbjednosti i plan evakuacije na svim stadionima i utakmicama. Plan bezbjednosti i plan evakuacije službeni predstavnik kluba domaćina dužan je predočiti delegatu svake utakmice.

Na organizacionom sastanku- brifingu akreditirani komesar za bezbjednost kluba domaćina će delegatu utakmice dostaviti spisak redara sa osobnim podacima (ime i prezime, datum rođenja, br. lične karte) kao i spisak angažiranih pripadnika zaštitarske agencije sa njihovim pozicijama na stadionu.

Član 23.

Tri sata prije početka utakmice i za vrijeme odigravanja zabranjeno je prodavanje i distribucija alkoholnih pića unutar objekta na kojem se igra utakmica. Sva bezalkoholna pića mogu se točiti samo u plastičnim čašama.

Promocija ili objava, na bilo koji način, političkih poruka ili bilo kojih drugih političkih djelovanja unutar ili u neposrednoj blizini stadiona strogo je zabranjena uoči, tokom ili nakon završetka utakmice.

Član 24.

U igralištu s unutrašnje strane ograde mogu se još nalaziti:

- dežurni ljekar s posebnom oznakom i dvije do četiri osobe odgovarajućeg uzrasta uz nosila, posebno označene za iznošenje ozlijeđenih igrača izvan terena.
- minimum osam dodavača lopti (prikladnog uzrasta) odjevenih u sportsku opremu različite boje od boje dresova oba tima,
- kola hitne pomoći sa liječnikom i vozačem,
- fotoreporter i snimatelji s odgovarajućim oznakama (markerima),
- potreban broj redara, odnosno pripadnika agencije za zaštitu vidljivo obilježenih (samo ako to uvjeti na stadionu zahtijevaju, a u protivnom pozicionirani su sa vanjske strane).
- pripadnici policije

Klub domaćin obavezan je za foto-reportere osigurati vidljive oznake s brojem od 1 – 10, koji su obavezni nositi za vrijeme utakmice.

Klub domaćin obavezan je osigurati semafor za četvrtog suca koji služi za pokazivanje izmjena igrača i sudačku nadoknadu vremena.

Član 25.

Za nered ili izgred koji se dogode u dijelu stadiona koji je rezerviran za gostujuće navijače, gostujući klub ima objektivnu odgovornost te podliježe disciplinskim sankcijama.

Klubovi su odgovorni za ponašanje svojih navijača, službenih osoba, članova i navijača i svake druge osobe koja obavlja dužnost na utakmici u ime kluba.

Za klubove i službena lica mora biti obezbjeđen zaseban parking prostor, lociran blizu svlačionica i obezbijeđen od dodira sa publikom i to:

- Minimalno jedno mjesto za autobus
- Minimalno pet mjesta za automobile

Zasebna mjesta za parking moraju biti obezbijeđena i za vozila policije, medicinske službe i VIP goste.

PRAVO NASTUPA IGRAČA NA UTAKMICI:

Član 26.

Na prvenstvenim utakmicama mogu nastupiti igrači koji su stekli pravo igranja prema odredbama Pravilnika o registraciji, statusu i transferu igrača NS/FS BiH, ukoliko su navršili 17 godina života, kao i igrači koji su navršili 16 godina, ali sa obaveznom specijalističkim ljekarskim pregledom kojim se oglašava sposobnim za nastupanje na utakmicama seniorskog uzrasta.

Odobrenje se mora ovjeriti u nadležnom kantonalnom/županijskom savezu, a vrijedi šest mjeseci od dana izdavanja za igrača juniora koji nastupa u seniorskoj ekipi, a shodno članu 54 Pravilnika o nogometnim takmičenjima NS/FS BiH. Ukoliko im je to pravo potvrđeno od nadležnog organa isto mora biti upisano u nogometnu legitimaciju.

U sastavu tima Prve lige FBiH moraju nastupiti igrači sa profesionalnim ili amaterskim ugovorom, sukladno Pravilniku o registraciji, statusu i transferu igrača NS/FS BiH.

U sastavu prijavljenog tima Prve lige Federacije, moraju se nalaziti najmanje tri (3) igrača mlađa od 21 godine života, od kojih dva (2) obavezno moraju početi utakmicu.

Za takmičarsku 2016/2017 godinu, kao igrači mlađi od 21 godine života smatraju se igrači rođeni 01.01.1995.godine i mlađi.

U slučaju nedostatka mlađih igrača do 21 godine, suprotno navedenom stavu ovog člana, utakmica će biti registrovana službenim rezultatom (3:0) par forfe za protivnika u skladu sa članom 76. stav 3. Pravilnika o nogometnim natjecanjima NS/FS BiH, a klub će snositi i disciplinsku odgovornost.

Član 27.

Klub može imati više registrovanih igrača stranih državljana, s tim što najviše 6 (šest) igrača stranih državljana mogu biti upisani u zapisnik i imaju pravo nastupa na jednoj utakmici.

U slučaju nastupanja većeg broja stranih igrača, suprotno navedenom stavu ovog člana utakmica će biti registrovana službenim rezultatom (3:0) par forfe za protivnika u skladu sa članom 76. stav 3. Pravilnika o nogometnim natjecanjima NS/FS BiH a klub će snositi disciplinsku odgovornost.

Shodno članu 32. stav 3. Pravilnika o registraciji, statusu i transferu igrača NS/FS BiH, u toku takmičarske sezone klub može po osnovu ustupanja registrirati najviše četiri igrača, s tim što najviše tri mogu nastupiti na jednoj utakmici.

U slučaju nastupanja većeg ustupljenih igrača, suprotno navedenom stavu ovog člana utakmica će biti registrovana službenim rezultatom (3:0) par forfe za protivnika u skladu sa članom 76. stav 3. Pravilnika o nogometnim natjecanjima NS/FS BiH a klub će snositi disciplinsku odgovornost.

Shodno članu 9. stav 1. Pravilnika o registraciji, statusu i transferu igrača NS/FS BiH, klubovi su dužni sve registrirane igrače osigurati od povreda, trajnog invaliditeta i smrti, ako su isti nastali prilikom treniranja, takmičenja, putovanja na takmičenje i putovanja na treninge

Protiv kluba koji ne poštuje ove odredbe provest će se disciplinski postupak prema odredbama Disciplinskog pravilnika NS/FS BiH, a klub može imati disciplinske i natjecateljske posljedice.

Član 28.

Na svim prvenstvenim utakmicama igrači moraju imati uredne sportske iskaznice izdate od nadležnog organa za registraciju sa ovjerenom članarinom za tekuću godinu.

Broj igrača u sportskoj iskaznici mora biti identičan ID broju igrača u COMET informacionom sistemu.

IDENTITET IGRAČA:

Član 29.

Na prvenstvenim utakmicama mogu nastupiti samo igrači čiji je identitet utvrđen putem sportske legitimacije izdate od nadležnog organa za registraciju, a u slučaju njenog nedostatka identitet će se utvrditi na osnovu javne isprave: lične karte ili pasoša.

Ukoliko se identitet igrača utvrđuje na osnovu javne isprave, klub je obavezan na zahtjev Komisije za takmičenje/natjecanje NS FBiH dostaviti u NS FBiH sportsku legitimaciju u roku od 24 sata od odigrane utakmice. Delegat će navesti broj osobne iskaznice ili putovnice, a u izvještaj i sve ostale relevantne podatke (matični broj, datum rođenja i dr.).

Identitet se utvrđuje prije početka utakmice.

Za igrače koji su zakasnili na početak utakmice, odnosno na početak drugog dijela, a upisani su u zapisnik sa utakmice, identitet se utvrđuje za vrijeme odmora između dva dijela igre i neposredno po završetku utakmice.

OPREMA NOGOMETAŠA:

Član 30.

Klubovi moraju poštivati boju sportske opreme kluba protivnika, koje su prije početka prvenstva prijavljene u Sekretarijat Saveza i objavljene u službenom glasniku NS FBiH.

Timovi na jednoj utakmici ne mogu igrati u istim ili sličnim bojama sportske opreme. U slučaju da se podudara boja opreme kod dva tima, dresove će promijeniti domaća (prvoimenovana) ekipa. U tom slučaju, delegat utakmice je obavezan izvršiti prijavu Natjecateljskoj komisiji zbog zanemarivanja boje sportske opreme, a klub će snositi disciplinsku odgovornost.

Klubovi su dužni usaglasiti boje opreme 72 sata prije zvaničnog termina odigravanja utakmice, u skladu sa prijavljenim osnovnim bojama, a o usaglašavanju obavijestiti delegata utakmice.

Brojevi na dresovima moraju odgovarati onima na popisu igrača u zapisniku o utakmici. Ako su dresovi prugasti ili šareni, brojevi moraju biti na jednobojnoj podlozi. Za vrijeme odigravanja utakmice igrači na poledini dresova moraju imati vidljive brojeve propisane veličine.

Ovlašteni predstavnik kluba obavezan je na organizacioni sastanak donijeti na uvid po jedan primjerak sportske opreme (oprema za igrača i vratara) u kojima će klubovi nastupati (dres, šorts i štucne).

Glavni sudac utakmice će na organizacionom sastanku izvršiti provjeru cjelokupne opreme timova i sudaca te odobriti boju sportske opreme za utakmicu i o tome obavijestiti delegata.

LJEKARSKI PREGLED IGRAČA:

Član 31.

Svaki igrač mora imati sportsku iskaznicu sa ubilježnim datumom i ovjerenim ljekarskim pregledom (pečat) od strane Zdravstvene ustanove koja je određena za pregled sportista. Izuzetno, može imati zvaničnu ljekarsku potvrdu (sa tačnim datumom i pečatom ljekara i ustanove) o izvršenom ljekarskom pregledu u navedenoj zdravstvenoj ustanovi, što se može primijeniti izuzetno i samo za jednu utakmicu nakon čega pregled mora biti upisan u legitimaciju.

Specijalni ljekarski pregled važi 6 (šest) mjeseci za igrača juniora za nastup u seniorskoj ekipi, shodno članu 54 Pravilnika o nogometnim takmičenjima NS/FS BiH.

Igrač koji nije upisan u zapisnik utakmice, ili koji nije izvršio ljekarski pregled, ne može nastupati na prvenstvenim utakmicama.

Protiv kluba i igrača koji prekrši odredbe ovog člana bit će pokrenut disciplinski postupak prema odredbama Disciplinskog pravilnika NS/FS BiH.

NEODIGRAVANJE, PREKID UTAKMICE I NENASTUPANJE RADI SUSPENZIJE:

Član 32.

Ako u roku od 15 minuta od određenog vremena za početak utakmice stalnog natjecanja jedan tim ne nastupi sa potrebnim brojem igrača, sudac će priopćiti kapitenu tima koji je nastupio da se utakmica neće odigrati i to će upisati u zapisnik.

Izuzetno, u slučajevima da klub nije mogao da nastupi uslijed više sile, sudac će sačekati i nešto duže, ali će voditi računa o tome da utakmica može da se završi na vrijeme.

Ukoliko je utakmica prekinuta iz razloga više sile, a prije isteka 80 % regularnog vremena, ili nije odigrana, natjecateljski organ će utvrditi novi termin za odigravanje utakmice.

Klub koji ne uplati prvu ratu kotizacije za troškove takmičenja/natjecanja i dugovanja po odlukama disciplinskih organa iz prethodnog takmičarskog/natjecateljskog perioda, najkasnije petnaest (15) dana pred početak jesenjeg takmičenja/natjecanja, automatski je suspendiran, utakmica ovog kluba neće se igrati, a nakon dvije neodigrane utakmice smatrat će se da je klub istupio iz takmičenja/natjecanja.

Druga rata kotizacije i kazne po odluci Disciplinske Komisije NS FBiH imaju se platiti najkasnije petnaest (15) dana prije početka proljetne polusezone. U suprotnom, nastupa sankcija kao iz prethodnog stava ovog člana.

Delegat je obavezan na brifingu prije prve utakmice prvog dijela prvenstva, a isto tako i prije prve utakmice drugog dijela prvenstva izvršiti provjeru uplate kotizacije kao i uplate dugovanja po izrečenim disciplinskim mjerama prema evidenciji NS FBiH.

Ukoliko klubovi ne prilože dokaz o uplati kotizacije i dugovanja po disciplinskim mjerama u cijelosti, delegat neće dozvoliti da se utakmica odigra o čemu će odmah obavijestiti predsjednika Komisije za takmičenje NS FBiH.

DELEGAT UTAKMICE:

Član 33.

Za sve prvenstvene utakmice, predsjednik i dopredsjednik Komisije za takmičenje NS FBiH će delegiranjem odrediti delegata utakmice sa usvojene liste delegata Prve lige FBiH za sezonu 2016/2017, koji zastupa takmičarsko/natjecateljsko rukovodstvo i ima vrhovni nadzor na utakmici.

Nakon žrijebanja, delegat dobiva nalog Sekretarijata saveza putem internet portala NS FBiH, u čijem sadržaju mora biti navedeno mjesto, datum i sat odigravanja utakmice.

U slučaju da na utakmicu ne dođe određeni delegat ili njegov zamjenik, dužnost delegata će obaviti posmatrač suđenja. Ako na utakmicu ne dođe ni posmatrač suđenja, dužnost delegata će obaviti sudac.

Delegat je obavezan da 90 minuta prije početka utakmice održi radni sastanak (brifing) sa predstavnicima klubova, sudijama utakmice, posmatračem suđenja, komesarom za bezbjednost kluba domaćina i predstavnikom policije.

Kašnjenje na radni sastanak – brifing povlači disciplinsku odgovornost.

Delegat utakmice Prve lige zapisnik i izvještaj sa utakmice sačinjava u COMET informacionom sistemu. Po završetku utakmice zapisnik sa utakmice sastavljen putem COMET informacionog sistema, usklađuju delegat i sudac, nakon čega sudac utakmice svojom šifrom zaključuje zapisnik sa utakmice. Nakon zaključivanja utakmice od strane glavnog suca, delegat je obavezan sačiniti i zaključiti izvještaj fair-playa.

Delegat utakmice je obavezan u roku od 24 sata po odigranoj utakmici ili najkasnije prvi radni dan do 11:00 sati, u COMET informacionom sistemu zaključiti delegatski izvještaj.

Određivanje delegata za utakmice Prve lige FBiH vrše predsjednik i dopredsjednik Komisije za takmičenje/natjecanje.

Delegat na utakmicama Prve lige u izvješću delegata ne daje niti opisnu ocjenu suđenja.

Ukoliko na utakmici dođe do incidenta, prekida utakmice i sl. delegat je obavezan u roku 24 sata dostaviti dopunsko izvješće te o istoj obavezi upoznati sva službena lica utakmice, a na zahtjev Komisije ili Sekretarijata i u drugim situacijama. Na poziv Sekretarijata ili takmičarskog organa, delegat je dužan izvještaj ili dopunski izvještaj dostaviti i ranije.

Delegat utakmice dužan je sačuvati svu potrebnu dokumentaciju sa utakmice, te na traženje nadležnih komisija iste dostaviti u Sekretarijat NS FBiH.

POSMATRAČ SUĐENJA:

Član 34.

Za svaku prvenstvenu utakmicu Prve lige FBiH predsjednik i dopredsjednik Komisije za suce i suđenje NS FBiH delegiraju posmatrača suđenja sa liste posmatrača Prve lige FBiH za sezonu 2016/2017, koji obavlja kontrolu suđenja na utakmicama Prve lige.

Izvještaj o suđenju, posmatrač dostavlja kroz COMET sistem najkasnije 24 sata (48 sati ako se utakmica igrala u subotu) od završetka utakmice.

Posmatrač suđenja obavlja kontrolu suđenja i daje ocjenu suđenja prema posebnim odlukama i uputstvima Komisije za suce i suđenje NS F BiH. Izvješće o suđenju posmatrač suđenja sastavlja prema navedenim odlukama i uputstvima.

SUCI:

Član 35.

Sve prvenstvene utakmice Prve lige Federacije mogu voditi samo suci sa ispitom saveznog nogometnog suca, koji se nalaze na listama verificiranim od strane nadležnog organa.

Shodno Pravilniku o sucima i suđenju NS/FS BiH, liste za svaku sezonu formira Komisija za suce i suđenje NS FBiH.

Prema Pravilniku o sucima i suđenju NS FBiH liste sudaca su prohodne i utakmice Prve lige mogu suditi suci sa liste Premijer lige i izuzetno suci sa liste Druge lige, uz mogućnost da to budu suci iz „talent mentor“ programa.

Određivanje sudaca za utakmice Prve lige vrše predsjednik i dopredsjednik Komisije za suce i suđenje NS FBiH.

Sudac dobiva „nalog za suđenje“ (putem internet portala NS FBiH), u kojem se navode svi podaci potrebni za obavljanje dužnosti (ekipe, mjesto odigravanja utakmice, datum i vrijeme).

Član 36.

Sudac utakmice je dužan da prije početka utakmice pregleda i odluči da li je teren pogodan za igru ili nije. Ako sudac utvrdi da je teren nepododan za igru, to konstatira na zapisniku u skladu sa članom 39. Pravilnika o nogometnim natjecanjima NS/FS BiH i o tome obavještava na organizacionom sastanku koji vodi delegat sat i pol prije početka utakmice.

Sudac Prve lige izvještaj piše u COMET informacionom sistemu. Sudija je dužan da nakon utakmice u svom izvještaju navede podatke koji se odnose na postignute pogotke, opomenute i isključene igrače, a prema potrebi i druge podatke, ako se radi o prekidu utakmice, neredu, tuči, uključujući eventualne prijave i sl.

Pored glavnog suca i dva asistenta, na utakmicama Prve lige dužnost će obavljati i četvrti sudac koji je kao i glavni sudija sa „A“ liste, dok su dva asistenta sa „B“ liste. Prilikom delegiranja četvrtog suca vodit će se računa o iznosu putnih troškova.

Na utakmicama Prve lige FBiH mogu se odrediti 5. i 6. dodatni suci koji obavljaju dužnost po Pravilima igre, koji su sa „A“ liste, a u tom slučaju dužnost 4. suca može obavljati i sudac sa „B“ liste. Prilikom delegiranja dodatnog 5. i 6. suca vodit će se računa da suci budu iz istog kantona/županije kao glavni sudac, četvrti sudac ili suci asistenti.

Ukoliko delegirani sudac ne dođe na utakmicu, istu će suditi četvrti sudac, ako on ne dođe sudiće prvi pomoćni sudac, a ako i on ne dođe sudit će drugi pomoćni sudac. Ukoliko na utakmicu ne dođe ni jedan od delegiranih sudaca, klubovi će se sporazumjeti da utakmicu sudi jedan od prisutnih sudaca. Ako sporazum između klubova ne bude postignut, onda će delegat odlučiti koji će od prisutnih sudaca suditi utakmicu.

Sporazum o izboru sudaca mora biti pismeno utvrđen prije početka utakmice. Zapisnik o sporazumu potpisuju oba kapetana, predstavnici klubova i delegat. Ako se klubovi nisu sporazumili o izboru suca pa je istog odredio delegat, to se mora konstatirati u posebnom zapisniku sa utakmice, koji je sastavni dio zapisnika.

Ukoliko na utakmicu ne dođe jedan ili obojica pomoćnih sudaca, glavni sudac će odlučiti o izboru pomoćnih sudaca.

Protiv suca koji ne dođe na zakazanu utakmicu, povest će se disciplinski postupak prema odredbama Disciplinskog pravilnika NS/FS BiH.

Ukoliko utakmicu sude suci koristeći komunikacije, suci su odgovorni sa ispravnost istih.

SUSPENZIJA:

Član 37.

Suspendirani tim, odnosno svi timovi suspendiranog kluba, ne mogu nastupiti na prvenstvenim utakmicama sve dok traje suspenzija.

Sve odigrane utakmice u vrijeme suspenzije izrečene radi neizvršavanja pravosnažnih odluka nadležnih organa ili neizvršenja nespornih obaveza nastalih iz natjecanja predviđenih ovim Propozicijama, registrirat će se 3:0 (par-forfe) u korist protivnika.

Ako suspendirani tim nastupi na javnoj utakmici, protiv njega se pokreće disciplinski postupak prema odredbama Disciplinskog pravilnika NS/FS BiH. Kazna će se primijeniti i na klub koji nastupi protiv suspendiranog ili kažnjenog kluba ukoliko je blagovremeno obaviješten o suspenziji ili kazni drugog kluba, najkasnije 48 sati prije odigravanja utakmice.

ŽALBE I ODLUČIVANJE PO ŽALBAMA:

Član 38.

O regularnosti utakmice stalnog takmičenja može se rješavati na osnovu žalbe oštećenog kluba i izvještaja službenih lica.

Pod oštećenim klubom u smislu prethodnog stava podrazumijeva se svaki klub koji je oštećen rezultatom utakmice na koju se ulaže žalba.

Žalbe po svim osnovama moraju se telegrafski ili faksom najaviti u roku od 24 sata po odigranoj utakmici, a pismeno obrazloženje sa dokazom o uplaćenju taksi utvrđenoj odlukom i ovim propozicijama, ima se dostaviti u roku od 48 sati po odigranoj utakmici.

Ukoliko rok za najavu i ulaganje žalbe ističe u nedjelju ili na državni praznik, rok za najavu i ulaganje produžava se za prvi naredni radni dan.

Žalba se dostavlja nadležnom takmičarskom organu u dva primjerka.

Član 39.

Neblagovremeno najavljene, neobrazložene, netaksirane ili nedovoljno taksirane žalbe neće se uzimati u postupak, već će se odbaciti, a utakmica će se registrirati postignutim rezultatom.

Član 40.

Za utakmice Prve lige Federacije BiH, o žalbama u prvom stupnju odlučuje Komisija za takmičenje NS FBiH.

Član 41.

Žalba na prvostupanjsku odluku Komisije za takmičenje NS FBiH podnosi se Apelacionoj komisiji nogometnog saveza Federacije BiH u roku od osam (8) dana od dana prijema pismene odluke prvostupanjskog organa, uz dokaz o uplaćenju taksi, shodno odluci IO NS FBiH o iznosu taksi. Shodno članu 73. stav 4. Pravilnika o nogometnim takmičenjima, rok za žalbu može biti i skraćen ukoliko je to neophodno zbog sportskih razloga, a prema odluci nadležnog organa NS Federacije BiH.

Drugostupanjska odluka je konačna.

Protiv odluke drugostupanjskog organa, može se podnijeti zahtjev za zaštitu zakonitosti, Izvršnom odboru nogometnog saveza Federacije BiH u roku od osam (8) dana od dana prijema odluke drugostupanjskog organa.

REGISTRACIJA UTAKMICA:

Član 42.

Komisija za takmičenje NS FBiH vrši registraciju odigranih, utakmica najkasnije u roku od 21 dan od dana odigravanja tih utakmica, te vrši registraciju neodigranih ili prekinutih utakmica u skladu sa važećim propisima.

Komisija za takmičenje NS FBiH registraciju odigranih utakmica može izvršiti putem e-maila, telefona ili telefaksa.

Ako je uložena žalba, rok za registraciju utakmice produžava se do konačne odluke.

Ako na utakmicu nije uložena žalba, a ne postoje uvjeti za registraciju po službenoj dužnosti sa 3:0 (par-forfe), utakmica se registrira postignutim rezultatom.

Ako je prvostupanjska odluka pravosnažna, ili je donesena drugostupanjska odluka koja je konačna, jednom registrirana utakmica ne može biti poništena, izuzev u postupku pred Izvršnim odborom NS Federacije BiH.

DISCIPLINSKE ODREDBE:

Član 43.

O disciplinskim prekršajima igrača, službenih predstavnika (trener, ljekar, fizioterapeut, zvanični predstavnik kluba, komesar za sigurnost) i klubova koji sudjeluju u natjecanju, odlučuje se na osnovu Disciplinskog pravilnika NS/FS BiH i posebnih odluka IO NS FBiH.

Drugostepene odluke po žalbama na odluke disciplinskog organa donosi Apelaciona komisija, a žalba ovom organu podnosi se u roku od osam (8) dana nakon prijema pismene prvostepene odluke putem prvostepenog organa.

Drugostepene odluke o disciplinskim prekršajima su konačne.

Protiv odluke drugostepenog organa, može se podnijeti prijedlog za zaštitu zakonitosti.

Automatska kazna zabrane igranja jedne prvenstvene ili kup utakmice nastaje poslije svake treće javne opomene koju igrač dobije na prvenstvenoj ili kup utakmici u toku jedne natjecateljske godine, a automatski prestaje poslije prvenstvene ili kup utakmice na kojoj je igrač morao da pauzira, pa i u slučaju nastupa igrača pod automatskom kaznom na toj utakmici.

Javne opomene (žuti karton) radi kojih je igrač dobio crveni karton ne evidentira se, evidentira se samo crveni karton.

UTVRĐIVANJE PLASMANA:

Član 44.

Plasman klubova na tabeli utvrđuje se prema odredbama člana 46. Pravilnika o nogometnim takmičenjima NS/FS BiH.

VRIJEME TRAJANJA UTAKMICE:

Član 45.

Utakmice se igraju dva puta po 45 minuta. Odmor između poluvremena traje 10 do 15 minuta.

Ova odredba je u skladu sa Pravilima nogometne igre.

FINANCIJSKE ODREDBE:

Član 46.

Klub službenim licima isplaćuje taksu, dnevnicu i putne troškove utvrđenim posebnom odlukom Izvršnog odbora NS Federacije BiH. Sve isplate vrše se poslije odigravanja utakmica, najkasnije 24 sata po odigranoj utakmici.

Sekretarijat NS FBiH vrši obračun putnih troškova i to dostavlja klubovima putem COMET informacionog sistema, najkasnije 24 sata prije odigravanja utakmice.

Ukoliko klub ne isplati službena lica ili ih djelomično isplati, klubu se ostavlja dodatni rok od 24 sata da izmiri troškove, nakon čega nastupa suspenzija do izmirenja obaveza u cijelosti.

Klub je dužan validan dokaz o svim isplatama pripadajućih troškova za službena lica, dostaviti delegatu na brifingu prije početka prve naredne utakmice.

Delegat je dužan na brifingu, sat i pol prije početka utakmice, izvršiti provjeru da li je klub isplatio pripadajuće troškove (dnevnicu, taksu, putni trošak) svakom službenom licu pojedinačno što se odnosi na prethodnu utakmicu.

Klub neće moći odigrati narednu utakmicu ukoliko delegatu utakmice ne dokaže da je finansijska obaveza sa prethodne utakmice (taksa, dnevnicu i putni trošak) izmirena u cijelosti.

Službena lica (delegati, posmatrači suđenja i suci) za utakmice Prve lige FBiH i završnice Kupa BiH obavezuju se da na žiro-račun NS FBiH u roku od tri dana od utakmice, uplate 20% od iznosa takse.

Član 47.

Izvršni odbor NS Federacije BiH prije početka prvenstva donosi odluku o visini troškova natjecanja. Kotizacija za takmičenje se utvrđuje za cijelu takmičarsku/natjecateljsku sezonu uz mogućnost da klubovi uplatu izvrše u dvije rate, svaku prije početka takmičarske/natjecateljske polusezone.

Ukoliko klub odustane od takmičenja u toku takmičarske/natjecateljske sezone, obavezan je izvršiti uplatu kotizacije za takmičenje/natjecanje u cijelosti. Neizvršenje obaveza povlači disciplinske posljedice u skladu sa odredbama Disciplinskog pravilnika NS/FS BiH.

POSEBNE ODREDBE:

Član 48.

Taksa za žalbe po bilo kojem osnovu iz Propozicija za klubove Prve lige Federacije uplaćuje se na žiro-račun Nogometnog saveza Federacije BiH broj: 338-900-22059210-48, kod Unikredit banke - Sarajevo
140-102-00027143-35, kod Sberbank –Sarajevo.

Član 49.

Prvaku Prve lige Federacije dodjeljuje se prelazni i pehar u trajno vlasništvo. Pehare u trajno vlasništvo mogu dobiti najbolji igrač, najbolji strijelac i pobjednik „fair-playa“, a NS FBiH može dodijeliti i druga priznanja u cilju afirmacije i popularizacije nogometa, NS FBiH, klubova igrača i drugo. Odluke o dodjeli pehara i priznanja donosi Izvršni odbor Nogometnog saveza Federacije BiH, na prijedlog Komisije za natjecanje. Izvršni odbor NS Federacije BiH može dodijeliti i druga priznanja.

POPUNJAVANJE LIGE:

Član 50.

Prvak Prve lige Federacije na kraju takmičarske/natjecateljske 2016/2017 godine prelazi u viši rang- Premijer ligu BiH. Iz Prve lige Federacije BiH na kraju takmičarske/natjecateljske 2016/2017 godine u niži rang takmičenja- Drugu nogometnu ligu, prelazi onoliko klubova koliko je potrebno da bi se ova liga popunila sa četiri prvaka iz grupa Druge lige FBiH, ukoliko klubovi ispunjavaju sve potrebne uvjete, i osigurao prostor za klubove koji napuštaju Premijer ligu BiH, a da bi Prva liga Federacije u takmičarskoj/natjecateljskoj 2017/2018 godini brojala 16 (šesnaest) klubova.

ZAVRŠNE ODREDBE:

Član 51.

Za sve što nije predviđeno ovim Propozicijama, važe odredbe Pravilnika o nogometnim natjecanjima NS/FS BiH, Disciplinskog pravilnika N/FS BiH i ostalih normativnih akata NS/FS BiH i NS FBiH.

Član 52.

Izmjene i dopune ovih Propozicija vrše se prema istom postupku kao i njihovo donošenje. Stupanjem na snagu ovih Propozicija prestaju važiti odredbe Propozicija NS FBiH donesenih u julu/srpnju 2015. godine.

Član 53.

Ove Propozicije stupaju na snagu danom donošenja, a primjenjuju se za takmičarsku/natjecateljsku sezonu 2016/2017.

PREDSJEDNIK
Mato Jozić vr.

NOGOMETNI SAVEZ FEDERACIJE BiH
IZVRŠNI ODBOR NS FBiH

PROPOZICIJE

*takmičenja/natjecanja završnice
nogometnog Kupa Federacije BiH
za takmičarsku/natjecateljsku 2016/2017 godinu*

Sarajevo, juni/lipanj 2016.g.

Broj: 529/16
Sarajevo: 29.06.2016.

Izvršni odbor Nogometnog saveza Federacije Bosne i Hercegovine, na osnovu Statuta Nogometnog saveza Federacije Bosne i Hercegovine i člana 4. Pravilnika o nogometnim takmičenjima N/FS BiH, na sjednici održanoj 29.06.2016. godine, donosi s l j e d e ć e:

PROPozICIJE
natjecanja završnice
nogometnog Kupa Federacije BiH
za takmičarsku/natjecateljsku 2016/2017 godinu

OPĆE ODREDBE:

Član 1.

Ovim Propozicijama utvrđuje se način rukovođenja i organiziranja završnog dijela nogometnog Kupa BiH za natjecateljsku 2016/2017 godinu, broj sudionika, plasman klubova, organizacija utakmica, žalbeni postupak, financijske odredbe i dr.

SUDIONICI NATJECANJA:

Član 2.

U završnici Kupa Federacije BiH igraju se dva kola.

U prvom kolu učestvuje 16 najuspješnijih klubova iz Kup takmičenja kantonalnih/županijskih nogometnih saveza (klubovi općinske, kantonalne/županijske lige i Druge lige FBiH), izuzev klubova koji u sezoni 2016/2017 nastupaju u Prvoj ligi Federacije BiH, jer su automatski ostvarili plasman u drugo kolo završnice Kupa FBiH.

U drugom kolu završnice Kupa FBiH učestvuje 24 kluba. Od toga 16 klubova članova Prve lige Federacije BiH u sezoni 2016/2017, te osam najuspješnijih klubova iz prvog kola Kupa FBiH.

Klubovi Prve lige Federacije BiH obavezni su takmičiti se u završnici Kupa FBiH.

Član 3.

Svaki kantonalni/županijski savez obavezuje se da organizira i sprovede Kup takmičenje na nivou kantona/županija uz učešće svih klubova članova Druge lige FBiH, kantonalnih/županijskih liga i općinskih nogometnih liga uz pravovremeno utvrđivanje kalendara takmičenja, organiziranje i provođenje te racionaliziranje troškova odigravanja utakmica za sve klubove.

Član 4.

Svi kantonalni/županijski nogometni savezi imaju predstavnika u završnici Kupa Federacije BiH.

Član 5.

Šest kantonalnih/županijskih nogometnih saveza koji su u takmičarskoj sezoni 2015/2016 imali najveći broj registriranih seniorskih klubova koji su završili takmičarsku sezonu 2015/2016 (nisu odustali niti su isključeni iz takmičenja) u zvaničnim i priznatim ligama u BiH, u završnicu Kupa FBiH daju po dva predstavnika.

Član 6.

Četiri kantonalna/županijska nogometna saveza koji su u takmičarskoj sezoni 2015/2016 imali manji broj registriranih seniorskih klubova koji su završili takmičarsku sezonu 2015/2016 (nisu odustali niti isključeni iz takmičenja) u skladu sa odredbama prethodnog stava u završnicu Kupa FBiH daju po jednog predstavnika.

Komisija za takmičenje NS FBiH broj klubova koji su završili takmičarsku sezonu 2015/2016 utvrdit će na osnovu svih relevantnih pokazatelja.

Član 7.

Najuspješniji klubovi nakon sprovedenog Kup takmičenja na nivou k/ž saveza (16 klubova) a shodno članu 5. i 6. ovih Propozicija igrat će prvo kolo završnice Kup takmičenja.

Član 8.

Poludirigovanim žrijebom se određuju parovi utakmica prvog kola završnice Kupa FBiH a vodeći računa o regionalnoj udaljenosti klubova i smanjenju troškova putovanja.

U prvom kolu završnice Kupa FBiH igra se jedna utakmica, a domaćin će biti odlučan žrijebom, s tim da će klub nižeg ranga takmičenja imati prednost domaćeg terena.

Osam najuspješnijih klubova nakon prvog kola plasirat će se u drugo kolo završnice Kupa Federacije BiH.

Član 9.

U drugom kolu završnice Kupa Federacije BiH igra 16 klubova učesnika Prve lige FBiH u takmičarskoj sezoni 2016/2017 i osam pobjednika utakmica prvog kola.

U drugom kolu završnice Kupa FBiH igra se jedna utakmica, a domaćin će biti odlučan žrijebom, s tim da će klub nižeg ranga takmičenja imati prednost domaćeg terena.

Član 10.

U završnici Kupa Bosne i Hercegovine učestvuju 32 kluba a od toga 12 klubova iz NS Federacije BiH, osam klubova iz FS RS i 12 klubova učesnika BH Telecom Premijer lige BiH. Sistem odigravanja završnice Kupa BiH donosi Izvršni odbor NS/FS BiH.

RUKOVOĐENJE I ORGANIZACIJA:

Član 11.

Takmičenjem/natjecanjem završnog dijela nogometnog Kupa Federacije BiH rukovodi Izvršni odbor NS FBiH, putem Komisije za takmičenje/natjecanje NS FBiH.

Utakmice prvog i drugog kola nogometnog Kupa Federacije BiH igraju se po jednostrukom kup sistemu (igra se jedna utakmica).

Član 12.

Takmičenje/natjecanje u završnici Kupa Federacije BiH administrativno se vodi kroz COMET informacioni sistem.

Zapisnik sa utakmica sastavlja se na način kao u prvenstvenim utakmicama Prve i Druge lige FBiH.

SLUŽBENE OSOBE:

Član 13.

Za obavljanje funkcije službenih osoba na utakmicama završnog dijela nogometnog Kupa Federacije BiH delegiraju se delegati, suci i posmatrači suđenja sa lista Prve lige Federacije BiH.

Vežano za delegiranje i obavljanje funkcija službenih osoba primjenjuju se odredbe Pravilnika o nogometnim takmičenjima/natjecanjima NS/FS BiH i Propozicijama Prve lige Federacije BiH.

ORGANIZACIJA UTAKMICA:

Član 14.

Organizacija utakmica se vrši prema odredbama Pravilnika o nogometnim takmičenjima/natjecanjima NS/FS BiH i Propozicijama takmičenja/natjecanja za prvenstvo nogometnih liga i Kupa u Federaciji BiH za natjecateljsku 2016/2017 godinu.

Utakmice se igraju na terenima registriranim za prvenstvene utakmice u Federaciji BiH. Organizaciju utakmice vrši klub domaćin.

Član 15.

Klub je obavezan na svim utakmicama postaviti na jarbole zastave Države BiH i Nogometnog/fudbalskog saveza BiH, a mogu se postaviti i zastave klubova, Federacije BiH, NS FBiH kao i zastava fair-playa. Postavljanje drugih zastava nije dozvoljeno. Istaknute zastave moraju biti istih dimenzija.

PRAVO NASTUPA:

Član 16.

Pravo nastupa na utakmicama završnog dijela nogometnog Kupa Federacije BiH imaju igrači koji ispunjavaju uvjete za nastup, a koji su propisani Pravilnikom o registraciji klubova i igrača, statusu i transferu igrača NS/FS BiH i članom 26. stav 4. i 5., te članom 27. Propozicija takmičenja Prve lige FBiH.

UTVRĐIVANJE PLASMANA:

Član 17.

Plasman se utvrđuje na osnovu rezultata utakmica završnice Kupa na nivou Federacije BiH. U slučaju da se utakmica nakon 90 minuta završi neodlučnim rezultatom, odmah će se pristupiti izvođenju jedanaesteraca.

Član 18.

Žalba na odigranu utakmicu može se najaviti u roku 24 sata, a obrazloženje žalbe sa dokazom o uplaćenju taksi u roku od 48 sati po odigranoj utakmici.

Žalba na odluku prvostepenog organa može se uložiti u roku od tri dana po prijemu prvostupanjske odluke.

Neblagovremeno najavljene, neobrazložene, netaksirane ili nedovoljno taksirane žalbe neće se uzimati u postupak.

FINANCIJSKE ODREDBE:

Član 19.

Troškovi organizacije utakmica i svih službenih lica snosi klub domaćin. Troškovi službenim osoba se isplaćuju prema rangu natjecanja u kojem se klub domaćin natječe. Taksa posmatrača suđenja za rang takmičenja niži od Prve lige FBiH identična je taksi delegata. Taksa četvrtog sudije za rang takmičenja niži od Prve lige FBiH identična je taksi suca asistenta.

Ukoliko je domaćin utakmice klub Prve lige FBiH, utakmicu će za klub snimati ovlaštena agencija i troškove snimanja snosi klub, a ukoliko je domaćin klub nižeg ranga, utakmicu snima klub domaćin na ispravan DVD i uručuje delegatu utakmice.

ZAVRŠNE ODREDBE:

Član 20.

Za sva ostala pitanja koja nisu predviđena ovim Propozicijama primjenjivat će se propisi NS/FS BiH.

Ove Propozicije stupaju na snagu danom donošenja, a primjenjuju se za natjecateljsku 2016/2017 godinu.

PREDSJEDNIK

Mato Jozić vr.

NOGOMETNI SAVEZ FEDERACIJE BiH
IZVRŠNI ODBOR NS F BiH

PROPOZICIJE

takmičenja/natjecanja
Druge lige Federacije BiH
za takmičarsku/natjecateljsku sezonu 2016/2017

Sarajevo: juni/lipanj 2016.g.

Broj: 528/16
Sarajevo: 29.06.2016.

Izvršni odbor Nogometnog saveza Federacije Bosne i Hercegovine, na osnovu člana 32. Statuta Nogometnog saveza Federacije Bosne i Hercegovine i člana 4. Pravilnika o nogometnim takmičenjima N/FS BiH, na sjednici održanoj 29.06.2016. godine, donosi sljedeće:

PROPOZICIJE
takmičenja/natjecanja
Druge lige Federacije BiH
za takmičarsku/natjecateljsku sezonu 2016/2017

OPŠTE ODREDBE:

Član 1.

Ovim Propozicijama utvrđuje se način organiziranja i provođenja takmičenja/natjecanja u Drugoj ligi Federacije BiH u takmičarskoj/natjecateljskoj **2016/2017 godini**. Prvenstvo nogometnih klubova Federacije Bosne i Hercegovine odvijat će se u okviru Prve lige Federacije i četiri (4) grupe Druge lige: „Sjever“, „Centar“, „Jug“ i „Zapad“.

UČESNICI TAKMIČENJA/NATJECANJA:

Član 2.

U takmičenju/natjecanju za prvenstvo FBiH, za natjecateljsku **2016/2017 godinu** u grupama Druge lige: „Sjever“, „Centar“, „Jug“ sudjeluje u svakoj od navedenih grupa do 16 (šesnaest) klubova, a u Drugoj ligi FBiH grupa „Zapad“ do 14 klubova.

Član 3.

Drugom nogometnu ligu FBiH- grupa „**SJEVER**“ sačinjavaju klubovi NS Tuzlanskog kantona i NS Posavske županije - Orašje.

Drugom nogometnu ligu FBiH- grupa „**CENTAR**“ sačinjavaju klubovi NS Zeničko-dobojskog kantona, FS Kantona Sarajevo i FS Bosansko-podrinjskog kantona.

Drugom nogometnu ligu FBiH- grupa „**JUG**“ sačinjavaju klubovi ŽNS Županije Hercegbosanske, ŽNS Zapadnohercegovačkog i NS Hercegovačko-neretvanskog kantona/županije.

Drugom nogometnu ligu FBiH- grupa „**ZAPAD**“ sačinjavaju klubovi NS Srednjobosanskog kantona/Kantona Središnja Bosna i NS Unsko-sanskog kantona.

Član 4.

Izvođenje natjecanja u grupama Druge lige FBiH bit će regulisano posebnom Odlukom IO NS FBiH ustupljeno pripadajućim kantonalnim/županijskim nogometnim savezima, koji će takmičenje organizirati u skladu sa ostalim odlukama IO NS FBiH.

Kantonalni/županijski nogometni savezi kojima je povjereno vođenje Druge lige FBiH obavezni su vršiti svu potrebnu korespondenciju sa svim klubovima Druge lige FBiH, te ih blagovremeno obavještavati o svim važećim odlukama i propisima NS FBiH i NS/FS BiH.

USLOVI ZA UČESTVOVANJE U TAKMIČENJU/NATJECANJU:

Član 5.

Za sudjelovanje u takmičenju/natjecanju Druge lige Federacije BiH, pored ostalih, klubovi moraju ispunjavati sljedeće uvjete:

Igrališta:

1. Da posjeduju odgovarajuće igralište sa kvalitetnom travnatom plohom za igru, sa prirodnom ili vještačkom podlogom, dimenzija 100 -110 m dužine i 64-75 m širine. Teren mora biti travnat cijelom površinom i potpuno ravan da bi se omogućilo normalno kretanje. Teren sa vještačkom podlogom u svemu mora odgovarati propisima FIFA-e sa kvalitetom travnjaka i odgovarajućim certifikatom koji je propisala i izdala FIFA. Teren sa vještačkom podlogom podliježu odobrenju od strane nadležnog tijela NS FBiH i na njemu će se u slučaju ispunjenja uslova odobriti odigravanje utakmica Druge lige FBiH.

Teren za igru mora biti odvojen od gledališta žičanom (zatvorenom) ogradom punog profila i odgovarajućeg kvaliteta. Ograda mora biti udaljena najmanje dva (2) metra od uzdužne linije igrališta i tri (3) metra od poprečne linije iza vrata (golova) u visini kaznenog prostora. Minimalna visina ograde je 120 cm računajući sa nivoa tribina.

2. Igralište mora posjedovati zaštitne kabine odgovarajućeg kvaliteta za rezervne igrače i stručno vodstvo ekipa za najmanje 13 osoba (13 sjedalica) kao i odvojenu kabinu za delegata utakmice a sve zaštićeno od kiše i vjetra. Kabine se postavljaju na uzdužnoj strani igrališta, propisno udaljene od terena za igru, odnosno uzdužne linije (dva do tri metra).

3. Na stadionu moraju postojati svlačionice za obje ekipe i posebna svlačionica za suce. Sve svlačionice trebaju imati mokre čvorove- kupatila sa toplom vodom, za igrače sa tri (3) tuš ruže, a kod sudaca jedna (1) tuš ruža. Svaka svlačionica (sudijska posebno) treba imati zaseban WC.

4. Stadioni gdje se igraju utakmice Druge lige Federacije moraju imati najmanje 500 mjesta za sjedenje na tribinama.

5. Izlazak na teren i povratak igrača u svlačionicu, stručnih rukovodstava ekipa, delegata i sudaca, mora biti osiguran i odvojen od gledatelja. Prolaz od svlačionica do terena za igru mora biti fizički odvojen od gledatelja i mehanički zaštićen (tunel za izlazak igrača i službenih osoba od svlačionica do terena).

6. Na stadionu treba biti posebna prostorija za sastavljanje zapisnika. Na stadionima klubova i za utakmice Druge lige u službenom prostoru za zapisnik, klub domaćin treba da obezbijedi:

-ispravan kompjuter sa štampačem i ispravnom internet konekcijom za potrebe COMET informacionog sistema.

-ispravna telefonska linija i telefaks.

-dovoljan broj stolica za organizacioni sastanak.

Neispunjavanje uvjeta ove tačke sa sobom povlači disciplinske posljedice.

7. Uz teren ili na tribinama, za snimatelja utakmice, mora biti izrađeno uzvišeno mjesto minimalne visine 3,0 metra na poziciji središnje crte igrališta kako bi se mogao pokriti cijeli teren za snimanje.

Snimanje utakmica Druge lige obvezno je izvršiti fiksnom kamerom sa uzvišenog mjesta koje je osigurano od vremenskih nepogoda i to na novom DVD-u.

Klub domaćin Druge lige obavezan je omogućiti snimanje utakmice zainteresiranom klubu-gostu pod prijetnjom disciplinskih sankcija.

8. Igralište mora biti primljeno od nadležne Komisije za prijem igrališta i registrirano za odigravanje prvenstvenih utakmica. Zapisnik o prijemu-registraciji igrališta treba da je javno istaknut u prostoriji gdje se sačinjava zapisnik utakmice.

OSTALI UVJETI:

1. Klub mora ispunjavati uvjete iz Normativa minimuma stručno-pedagoškog rada za mlađe kategorije nogometaša u osnovnim Nogometnim organizacijama.
2. Klub treba organizirati nogometnu aktivnost sa takmičarskim/natjecateljskim ekipama pret pionira (U-13), pionira (U-15), kadeta (U-17) i juniora (U-19). Od tih, najmanje tri (3) moraju u cijelom toku sezone učestvovati u stalnim takmičenjima/natjecanjima u ligama kantonalnih/županijskih saveza ili NS FBiH / NS/FS BiH.
3. Klubovi Druge lige FBiH da bi ostvarili plasman u Prvu ligu FBiH, pored ostalih uvjeta (prvoplasirani, infrastruktura i dr.) moraju ispuniti uvjet da su u cijelom toku te takmičarske sezone u stalnim takmičenjima/natjecanjima imali uključene minimalno tri omladinske selekcije. Od toga obavezno selekcije juniora (U-19) i kadeta (U-17) u Omladinskoj ligi BiH grupa „Centar“, „Jug“, „Sjever“ ili „Zapad“, a ostale u stalnim ligama kantona/županija.
4. Klubovi Druge lige Federacije potrebno je da imaju školu nogometa za uzraste od 7-11 godina, u kojoj bi se djeca neprekidno nogometno educirala.
5. Klub koji u toku takmičarske sezone sa nekom od omladinskih selekcija odustane od takmičenja/natjecanja ili shodno važećim propisima bude isključen iz takmičenja, snosit će disciplinske sankcije prema odredbama Disciplinskog pravilnika NS/FS BiH, a neće moći ostvariti plasman u Prvu ligu FBiH u smislu odredaba tačke 3. ovog člana.
6. Za takmičarske/natjecateljske utakmice klub-domaćin, odnosno organizator u Drugoj ligi obvezan je osigurati najmanje tri (3) lopte, koje u svemu moraju odgovarati propisima Pravila nogometne igre. U slučaju da se utakmica igra po snijegu- odnosno da je teren pokriven snijegom, lopta mora biti crvene boje.

Član 6.

Klubovi koji ne ispunjavaju uvjete iz člana 5., pod „igralište“ ovih Propozicija, mogu u cilju provođenja natjecanja uzeti pod zakup igralište nekog drugog kluba ili vlasnika, potpisivanjem sporazuma o korištenju igrališta, s tim da isto ispunjava uvjete iz člana 5, pod „igralište“ ovih Propozicija.

Član 7.

Takmičenjem/natjecanjem u Drugoj ligi Federacije rukovodi Izvršni odbor NS FBiH putem imenovanih povjerenika/komesara, u savezima kojima je IO NS FBiH povjerio vođenje lige. Kontrolu rada takmičarskih organa Druge lige FBiH vrše nadležne komisije i to: Komisija za takmičenje NS FBiH, Komisija za suce i suđenje NS FBiH i Disciplinska komisija NS FBiH u saradnji sa Sekretarijatom takmičenja, koje po potrebi održavaju sastanke sa takmičarskim organima Druge lige FBiH, vrše analizu takmičenja i suđenja Druge lige, vrše verifikaciju listi uspjehnosti, te učestvuju u organizaciji, edukaciji i provođenju seminara Druge lige FBiH.

Član 8.

Takmičenje/natjecanje u Drugoj ligi FBiH grupa „Centar“, „Zapad“, „Sjever“ i „Jug“ administrativno se vodi kroz COMET informacijski sistem.

Član 9.

Prvenstvena takmičenja/natjecanja provode se po dvostrukom bod-sustavu i vremenski utvrđenom kalendaru, sa dvije takmičarske/natjecateljske polusezone, jesen i proljeće. Kalendar i raspored takmičenja/natjecanja, na prijedlog Komisije za takmičenje/natjecanje, usvaja IO NS FBiH, najkasnije 30 (trideset) dana prije početka jesenjeg, odnosno proljetnog dijela prvenstva.

Raspored utakmica za prvenstvo u okviru Druge lige Federacije BiH određuje se ždrijebom natjecateljskih brojeva klubova sudionika i primjenom „Bergerove tablice“, koji će biti izvršen

mjesec dana prije početka takmičarske godine, a zbog specifičnosti takmičenja u Drugoj ligi taj rok izuzetno može biti i produžen.

Žrijebanje se vrši u sjedištu lige, shodno odluci IO NS FBiH.

Član 10.

Nakon utvrđenog rasporeda takmičenja za prvenstvene i kup utakmice, klubovi su obavezni u roku od pet (5) dana da dostave u Sekretarijat za takmičenje odgovarajuće grupe Druge lige:

-naziv igrališta na kome će igrati utakmice;

-mjesto odigravanja utakmica;

-boju dresova (gaćice, majice, štucne), kao i rezervnu boju sa kojom će klub nastupati;

-dan odigravanja utakmica (subota ili nedjelja).

Član 11.

Klub domaćin igra utakmice u mjestu sjedišta kluba, a u nedostatku terena na drugom primljenom terenu za koji je dobio suglasnost nadležnog organa, koji ne može biti van kantona/županije u kome je sjedište kluba, izuzev ako se radi o terenu koji se nalazi na području drugog kantona/županije, a nije udaljen više od 50 km od mjesta sjedišta kluba.

Igralište koje klub prijavi pred početak takmičarske/natjecateljske sezone ne može mijenjati tokom sezone, izuzev u iznimnim situacijama o kojima odlučuje takmičarski/natjecateljski organ uz poštivanje principa regularnosti takmičenja/natjecanja.

Ukoliko je za odigravanje utakmica u okviru takmičenja/natjecanja Druge lige FBiH kao zamjenski teren prijavljen teren kluba nižeg ranga takmičenja/natjecanja teren mora biti primljen od nadležne Komisije za prijem terena.

Pregled i prijem terena nije potrebno izvršiti ukoliko se radi o terenu kluba Prve lige FBiH i BH Telecom Premijer lige BiH.

Član 12.

U interesu što regularnijeg odvijanja završnog dijela takmičenja/natjecanja, tri (3) posljednja kola igraju se istog dana, u isto vrijeme, prema utvrđenom rasporedu takmičenja/natjecanja.

Klub je dužan na teren doći najkasnije 90 minuta prije utakmice i nastupiti sa najboljim sastavom, bez obzira na plasman ekipa i značaj postizanja rezultata na tim utakmicama.

PROMJENA TERMINA UTAKMICA:

Član 13.

Promjena termina odigravanja utakmice može se vršiti na osnovu podnesenog pismenog zahtjeva zainteresiranog kluba, koji mora biti podnesen komesaru/povjereniku za takmičenje/natjecanje NS FBiH, najkasnije osam (8) dana prije utvrđenog termina odigravanja utakmice, a koji u sebi sadrži razlog zbog kojeg se traži promjena termina utakmice s priloženom dokumentacijom iz koje se može utvrditi opravdanost podnesenog zahtjeva sa eventualnim prijedlogom za novi termin odigravanja utakmice.

U slučaju kada zahtjev za promjenu termina nije podnesen u skladu sa prethodnim stavom, komesar/povjerenik za takmičenje/natjecanje može promijeniti termin utakmice samo ukoliko je klub koji traži promjenu termina dostavio i pismenu saglasnost drugog kluba, što je moguće najkasnije tri (3) dana prije utvrđenog termina utakmice.

Kada se utakmica odlaže zbog bolesti igrača (trovanja i slično), to se može učiniti ukoliko je bolesno najmanje 7 (sedam) standardnih igrača (igrači koji su odigrali najmanje 70% utakmica) u toku tekućeg jesenjeg ili proljetnog dijela prvenstva.

Kada komesar/povjerenik za takmičenje NS FBiH dobije pismeni zahtjev kluba za odgodu utakmice zbog bolesti igrača sa kompletnom validnom medicinskom dokumentacijom iz odgovarajuće medicinske ustanove (uredan, čitljiv i tiskan elektronski nalaz nadležnog specijaliste, dijagnoza, mišljenje o dužini bolovanja i sl.), donijet će odluku o odgodi utakmice, uz mogućnost traženja mišljenja od Komisije za sportsku medicinu NS FBiH.

Kada je došlo promjene termina utakmice, komesar/povjerenik za takmičenje NS FBiH će donijeti odluku da se ona odigra u prvom slobodnom terminu (ako su prestali razlozi zbog koje je utakmica odgođena), pod uslovom da svaki klub ima najmanje dva slobodna dana između odigravanja dvije utakmice.

Član 14.

Utakmice se mogu igrati samo na terenu koji je podoban za igru.

Klub domaćin je obavezan da teren pripremi za igru tako da bude potpuno pripremljen za odigravanje utakmice. Za svaku nepravilnost odgovoran je klub-domaćin, odnosno organizator utakmice. Da li je teren pripremljen za igru ili nije, odlučuje glavni sudac koji je određen da vodi utakmicu i to u trenutku koji je službeno određen za početak utakmice. Izuzetno, pregled može biti izvršen i ranije, ali istog dana i u nazočnosti oba kapitena i suca. Sudac koji je određen da vodi utakmicu jedini odlučuje da li je teren nepodoban za igru zbog nevremena, drugih okolnosti koje se smatraju višom silom, ili zbog nemarnosti kluba domaćina.

Sudac i delegat obavezni su da u zapisnik unesu zaključak o neispravnosti terena ili zaključak da teren nije bio podoban. Delegat će zapisnik kroz COMET sistem dostaviti Komisiji za takmičenje/natjecanje.

NAJMANJI BROJ IGRAČA U IGRI:

Član 15.

Utakmica ne može da počne ako jedan od timova ima manje od 7 (sedam) igrača, shodno članu 40. Pravilnika o nogometnim takmičenjima/natjecanjima NS/FS BiH i pravilu III Pravila nogometne igre. Igrači koji nisu upisani do početka utakmice u zapisnik, ne mogu nastupati na utakmici.

Ako jedan tim za vrijeme trajanja utakmice ostane sa manje od 7 (sedam) igrača, sudac je dužan zaustaviti igru, a ako u roku od 5 (pet) minuta klub ne nastupi s minimalnim brojem igrača, sudac je dužan da odsvira kraj utakmice, shodno članu 41. Pravilnika o nogometnim takmičenjima NS/FS BiH i pravila III Pravila nogometne igre.

Svaki klub prijavljuje u zapisnik 18 (osamnaest) igrača. U igri sudjeluje 11 (jedanaest) prijavljenih igrača, a tokom utakmice mogu se izvršiti 3 (tri) zamjene.

Klubovi koji nemaju minimalno 14 (četnaest) igrača u zapisniku utakmice snosit će disciplinske sankcije.

Predstavnici klubova obavezni su dostaviti delegatu sastav ekipa sa ispravnim igračkim legitimacijama i akreditacijama službenih osoba kluba, najkasnije 60 minuta prije početka utakmice.

Spisak mora biti ovjeren i potpisan od zvaničnog predstavnika kluba. Spisak prijavljenih igrača mora sadržavati podatke svih igrača prijavljenih u COMET sistemu.

Delegat utakmice dužan je sačuvati dostavljene sastave igrača, te na traženje nadležnih komisija iste dostaviti u Sekretarijat takmičenja.

ORGANIZACIJA UTAKMICE – DUŽNOST KLUBOVA:

Član 16.

Organizaciju utakmice provode klubovi koji igraju na domaćem terenu.

Klub domaćin isključivo je nadležan za red i sigurnost prije, tokom i nakon utakmice i bit će pozvan na odgovornost zbog bilo kojeg incidenta, te može biti kažnjen u skladu sa odredbama Disciplinskog pravilnika NS/FS BiH.

Klub domaćin je obavezan pripremiti teren za igru, a odluku o podobnosti terena za odigravanje utakmice donosi glavni sudija.

Svaki klub dužan je na teren doći 90 minuta prije utakmice i nastupiti sa najboljim sastavom tima.

Kantonalni/županijski savezi dužni su svojim klubovima članicama pružiti svu neophodnu pomoć za uspješnu organizaciju utakmice.

Neizvršavanje obaveza iz ovog člana povlači disciplinsku odgovornost prema odredbama Disciplinskog pravilnika N/FS BiH.

Član 17.

Klub domaćin dužan je omogućiti delegatu održavanje organizacionog sastanka (brifinga) sat i pol prije odigravanja utakmice sa službama koje vrše organizaciju utakmice, službama zaduženim za sigurnost, vođama ekipa, rukovodstvom stadiona i medicinskom službom. Zapisnik se sastavlja u za to predviđenoj posebnoj prostoriji, uz prisustvo sudaca, delegata i predstavnika klubova.

Član 18.

Najkasnije sat prije odigravanja utakmice, ovlašteni predstavnici klubova dostavljaju delegatu utakmice na uvid nogometne iskaznice igrača koji toga dana nastupaju, kao i takmičarske akreditacije za službenog predstavnika, komesara za bezbjednost, glavnog trenera, pomoćne trenere, ljekara i fizioterapeuta.

Na klupi kluba Druge lige mogu sjediti glavni trener i treneri samo sa validnom TAKMIČARSKOM trenerskom AKREDITACIJOM kao dozvolom za rad za određenu godinu. Takmičarske akreditacije glavnog trenera i trenera moraju biti propisno ovjerene i validne za 2016. godinu (prvi dio sezone) a zatim i za 2017. godinu (drugi dio sezone) od strane Centra za edukaciju kadrova N/FS BiH.

Takmičarske akreditacije službenog predstavnika, ljekara i fizioterapeuta Druge lige FBiH validne su ako su izdane od strane NS FBiH za kalendarsku 2016. godinu (prvi dio sezone), a zatim i za 2017. godinu (drugi dio sezone).

Delegat je obavezan da u zapisnik upiše ime i prezime službenog predstavnika, glavnog trenera, trenera, liječnika i fizioterapeuta jedne i druge ekipe i upiše broj licence (obavezno i naznaku „PRO“, „A“ ili „B“). Ako delegat utakmice utvrdi da službeni predstavnik, glavni trener, pomoćni trener, ljekar ili fizioterapeut nema odgovarajuću licencu, neće im dozvoliti da uđu u ograđeni dio terena za igru.

Delegat je obavezan prije utakmice izvršiti identifikaciju osoba u kabinama za rezervne igrače, na način što će utvrditi da li se fotografije sa akreditacija podudaraju sa likom osoba, kao i da li se prijavljene osoba sa licencama zaista i nalaze u kabinama.

Klub Druge lige je obavezan da ima i kod NS FBiH akreditiranog komesara za sigurnost pod prijetnjom disciplinskih sankcija, što delegat konstatuje i upisuje u delegatski izvještaj.

Sve službene osobe obavezne su tokom cijele utakmice vidno istaknuti takmičarske akreditacije.

Član 19.

Klub domaćin je dužan na zahtjev gostujuće ekipe, a prema mogućnostima, izvršiti rezervaciju smještaja i ishrane, te da se stara o njihovom dočeku, boravku i ispraćaju.

Sve troškove iz prethodnog stava snosi gostujuća ekipa.

Klub domaćin je obavezan poduzeti sve potrebne mjere za sigurnost sudaca, delegata, posmatrača suđenja i gostujuće ekipe.

Dolazak, ishrana i ostalo za službena lica: sudija, delegat, posmatrač propisani su odlukom Izvršnog odbora NS FBiH o kodeksu ponašanja.

Član 20.

Klub domaćin obavezan je na svim utakmicama postaviti na jarbole državnu zastavu Bosne i Hercegovine i zastavu Nogometnog/fudbalskog saveza BiH. Mogu se postaviti zastave Federacije BiH, NS Federacije BiH, kantona/županija, klubova kao i zastava fair-playa. Postavljanje drugih zastava nije dozvoljeno. Istaknute zastave moraju biti istih dimenzija.

Klub domaćin dužan je da poduzme sve mjere u cilju osiguranja osoba: članova gostujuće ekipe, sudaca, kontrolora i delegata, kako za vrijeme odigravanja utakmice, tako i po završetku utakmice, sve do napuštanja igrališta i mjesta odigravanja utakmice.

Klub domaćin obavezan je preuzeti sve potrebne radnje vezano za organizovani dolazak i smještaj gostujućih navijača, smjestiti ih u gledalište na posebnom mjestu i izvršiti osiguranje istih prije, u toku i poslije utakmice, a gostujući klub obavezan je blagovremeno u pismenom obliku izvršiti najavu organizovanog dolaska vlastitih navijača.

Najmanje 5% u odnosu na ukupni kapacitet mora biti na raspolaganju gostujućim navijačima u zasebnoj, odvojenoj zoni sa bezbjednosnim standardima.

Član 21.

Domaći klub je također dužan da osigura odgovarajuću dežurnu redarsku službu sa dovoljnim brojem a minimalno 4 (četiri) vidljivo obilježenih redara osposobljenih za obavljanje te funkcije, voditelja osiguranja (komesara bezbjednosti) te prisustvo pripadnika MUP-a, licenciranog ljekara i dežurno vozilo hitne medicinske pomoći sa medicinskom opremom, medicinskim osobljem i sa vozačem, te nosila sa osobljem za iznošenje ozlijeđenih igrača izvan terene za igru, a po potrebi i druge službe.

Klub domaćin obavezan je izvršiti prijavu utakmice (javnog skupa) kod nadležne policijske uprave i delegatu utakmice dokazati da je utakmica prijavljena kod PU ili da je izdato odobrenje (shodno važećim zakonskim odredbama), kao i pravovremeno osigurati da pripadnici MUP-a budu prisutni na organizacionom sastanku i za vrijeme odigravanja utakmice.

Bez pripadnika MUP-a, voditelja osiguranja (komesara bezbjednosti) i redara, vozila hitne medicinske pomoći, te ljekara (akreditiranog kod NS FBiH) utakmica se neće igrati.

Za utakmice Druge lige Federacije BiH, ukoliko delegat utvrdi da je klub domaćin poduzeo sve potrebne radnje iz stava 4. ovog člana, a vozilo hitne medicinske pomoći ne dođe na igralište do početka utakmice, ista neće započeti sve dok klub domaćin ne osigura prikladno osobno vozilo kojim će se, u slučaju potrebe, ozlijeđeni prevesti do najbliže zdravstvene ustanove. Alternativno prikladno vozilo se može koristiti samo pod uslovom da je klub domaćin utakmice poduzeo sve mjere na osiguranju vozila hitne medicinske pomoći.

Klub domaćin obavezan je postupiti u skladu sa prethodnim odredbama ovog člana, jer se u protivnom utakmica neće odigrati, a isti će snositi sve posljedice neodigravanja utakmice.

Tri sata prije početka utakmice i za vrijeme odigravanja zabranjeno je prodavanje i distribucija alkoholnih pića unutar objekta na kojem se igra utakmica. Sva bezalkoholna pića mogu se točiti samo u plastičnim čašama.

Predstavnik kluba:

Član 22.

Svaki klub na utakmicama stalnog takmičenja mora odrediti zvaničnog predstavnika kluba. Predstavnik kluba mora prisustvovati redovnim seminarima NS FBiH i mora biti akreditiran od strane NS FBiH. Predstavnik kluba ne može biti trener ekipe koji je dobio takmičarsku akreditaciju u toj takmičarskoj godini, niti trener koji je dobio takmičarsku akreditaciju za vođenje drugog kluba. Predstavnik kluba za vrijeme odigravanja utakmice mora imati istaknutu akreditaciju izdatu od strane NS FBiH.

Komesar za bezbjednost/voditelj osiguranja:

Član 23.

Klub organizator je dužan odrediti voditelja osiguranja/komesara bezbjednosti, kao osobu nadležnu za sva pitanja bezbjednosti i sigurnosti na stadionu u sklopu organizacije utakmice. Voditelj osiguranja/komesar bezbjednosti može biti:

a) osoba koja je dio uprave –administracije kluba;

b) osoba ili kompanija za zaštitu izvan uprave– administracije kluba sa mandatom kluba datom kroz pisani ugovor

Osoba ili kompanija koja zadovoljava kriterij, mora prisustvovati redovnim seminarima NS FBiH i mora biti akreditirana od strane NS FBiH. Voditelj za sigurnost/komesar bezbjednosti mora imati iskustvo o pitanjima koja su povezana s kontrolom publike, zaštitom i sigurnošću na nogometnim objektima, javnim redom, pitanjima ulaznica i organizacijom utakmica.

Zadaci voditelja osiguranja/komesara bezbjednosti, njegove obaveze i prava moraju biti u skladu sa svim odredbama iz Pravilnikom o bezbjednosti na stadionima.

Član 24.

U igralištu s unutrašnje strane ograde mogu se još nalaziti:

- dežurni ljekar s posebnom oznakom i dvije do četiri osobe odgovarajućeg uzrasta uz nosila, posebno označene za iznošenje ozlijeđenih igrača izvan terena.
- minimum 6 (šest) dodavača lopti (odgovarajućeg uzrasta) odjevenih u sportsku opremu različite boje od boje dresova obiju ekipa,
- kola hitne pomoći sa liječnikom i vozačem,
- fotoreporteri i snimatelji s odgovarajućim oznakama,
- potreban broj redara, odnosno pripadnika agencije za zaštitu vidljivo obilježenih (samo ako to uvjeti na stadionu zahtijevaju, a u protivnom pozicionirani su sa vanjske strane).
- pripadnici policije

Klub domaćin obavezan je za foto – reportere osigurati vidljive oznake s brojem od 1 – 10, koje su obavezni nositi za vrijeme utakmice.

Član 25.

Klub domaćin Druge lige Federacije BiH obavezan je osigurati snimanje utakmice i originalni snimak zapečaćen u kovertu, odmah po završetku utakmice uručiti delegatu, koji ne smije snimak pregledati nego ga zapečaćenog dostaviti natjecateljskom organu.

Član 26.

Za nered ili izgrade koji se dogode u dijelu stadiona koji je rezerviran za gostujuće navijače, gostujući klub ima objektivnu odgovornost te podliježe disciplinskim sankcijama.

Klubovi su odgovorni za ponašanje svojih navijača, službenih osoba, članova i navijača i svake druge osobe koja obavlja dužnost na utakmici u ime kluba.

Za klubove i službena lica mora biti obezbjeđen zaseban parking prostor, lociran blizu svlačionica i obezbjeđen od dodira sa publikom i to:

- Minimalno jedno mjesto za autobuse
- Minimalno pet mjesta za automobile

zasebna mjesta za parking moraju biti obezbjeđena i za vozila policije, medicinske službe i VIP goste

PRAVO NASTUPA IGRAČA NA UTAKMICI:

Član 27.

Na prvenstvenim utakmicama mogu nastupiti igrači koji su stekli pravo igranja prema odredbama Pravilnika o registraciji, statusu i transferu igrača NS/FS BiH, ukoliko su navršili 17 godina života, kao i igrači koji su navršili 16 godina, ali sa obaveznim specijalističkim ljekarskim pregledom kojim se oglašava sposobnim za nastupanje na utakmicama seniorskog uzrasta.

Odobrenje se mora ovjeriti u nadležnom kantonalnom/županijskom savezu, a vrijedi šest mjeseci od dana izdavanja za igrača juniora koji nastupa u seniorskoj ekipi, a shodno članu 54. Pravilnika o nogometnim takmičenjima NS/FS BiH. Ukoliko im je to pravo potvrđeno od nadležnog organa isto mora biti upisano u nogometnu legitimaciju.

U sastavu tima Druge lige FBiH mogu nastupiti igrači sa amaterskim ugovorom, sukladno Pravilniku o registraciji, statusu i transferu igrača NS/FS BiH.

U sastavu prijavljenog tima Druge lige, mora se nalaziti najmanje pet (5) igrača mlađih od 21 godine života, od kojih tri (3) obavezno moraju početi utakmicu.

Za takmičarsku 2016/2017 godinu, kao igrači mlađi od 21 godine života smatraju se igrači rođeni 01.01.1995. godine i mlađi.

U slučaju nedostatka mlađih igrača do 21 godine, suprotno navedenom stavu ovog člana utakmica će biti registrovana službenim rezultatom (3:0) par forfe za protivnika u skladu sa članom 76. stav 3. Pravilnika o nogometnim natjecanjima NS/FS BiH, a klub će snositi i disciplinsku odgovornost.

Član 28.

Klub može imati više registrovanih igrača stranih državljana, s tim što najviše 6 (šest) igrača stranih državljana mogu biti upisani u zapisnik i imaju pravo nastupa na jednoj utakmici.

U slučaju nastupanja većeg broja stranih igrača, suprotno navedenom stavu ovog člana utakmica će biti registrovana službenim rezultatom (3:0) par forfe za protivnika u skladu sa članom 76. stav 3. Pravilnika o nogometnim natjecanjima NS/FS BiH, a klub će snositi disciplinsku odgovornost.

Shodno članu 32. stav 3. Pravilnika o registraciji NS/FS BiH, u toku takmičarske sezone klub može po osnovu ustupanja registrirati najviše četiri igrača, s tim što najviše tri mogu nastupiti na jednoj utakmici.

U slučaju nastupanja većeg ustupljenih igrača, suprotno navedenom stavu ovog člana utakmica će biti registrovana službenim rezultatom (3:0) par forfe za protivnika u skladu sa članom 76. stav 3. Pravilnika o nogometnim natjecanjima NS/FS BiH a klub će snositi disciplinsku odgovornost.

Shodno članu 9. stav 1. Pravilnika o registraciji, statusu i transferu NS/FS BiH, klubovi su dužni sve registrirane igrače osigurati od povreda, trajnog invaliditeta i smrti, ako su isti nastali prilikom treniranja, takmičenja, putovanja na takmičenje i putovanja na treninge. Protiv kluba koji ne poštuje ove odredbe povest će se disciplinski postupak prema odredbama Disciplinskog pravilnika NS/FS BiH, a klub može imati disciplinske i natjecateljske posljedice.

Član 29.

Na svim prvenstvenim utakmicama igrači moraju imati uredne sportske iskaznice izdate od nadležnog organa za registraciju sa ovjerenom članarinom za tekuću godinu.

Broj igrača u sportskoj iskaznici mora biti identičan ID broju igrača u COMET informacionom sistemu.

IDENTITET IGRAČA:

Član 30.

Na prvenstvenim utakmicama mogu nastupiti samo igrači čiji je identitet utvrđen putem sportske legitimacije izdate od nadležnog organa za registraciju, a u slučaju njenog nedostatka identitet će se utvrditi na osnovu javne isprave: lične karte ili pasoša.

Ukoliko se identitet igrača utvrđuje na osnovu javne isprave, klub je obavezan na zahtjev komesara/povjerenika za takmičenje dostaviti u k/ž savez u kojem je sjedište lige sportsku legitimaciju u roku od 24 sata od odigrane utakmice. Delegat će navesti broj osobne iskaznice ili putovnice, a u izvještaj i sve ostale relevantne podatke (matični broj, datum rođenja i dr.).

Identitet se u pravilu utvrđuje prije početka utakmice.

Za igrače koji su zakasnili na početak utakmice, odnosno na početak drugog dijela, a upisani su u zapisnik sa utakmice, identitet se utvrđuje za vrijeme odmora između dva dijela igre i neposredno po završetku utakmice.

OPREMA NOGOMETAŠA:

Član 31.

Klubovi moraju poštivati boju sportske opreme kluba protivnika, koju su prije početka prvenstva prijavljeni u Sekretarijat saveza i objavljena u biltenu NS FBiH.

Timovi na jednoj utakmici ne mogu igrati u istim ili sličnim bojama sportske opreme. U slučaju da se podudara boja opreme kod dva tima dresove će promijeniti domaća (prvoimenovana) ekipa, a delegat utakmice je obavezan prijaviti tim zbog zanemarivanja boje sportske opreme a klub će snositi disciplinsku odgovornost.

Klubovi su dužni kontaktirati i usaglasiti boje opreme 48 sati prije zvaničnog termina odigravanja utakmice, u skladu sa prijavljenim osnovnim bojama.

Brojevi na dresovima moraju odgovarati onima na popisu igrača u zapisniku o utakmici. Ako su dresovi prugasti ili šareni, brojevi moraju biti na jednobojnoj podlozi. Za vrijeme odigravanja utakmice igrači na poleđini dresova moraju imati vidljive brojeve propisane veličine.

LJEKARSKI PREGLED IGRAČA:

Član 32.

Svaki igrač mora imati sportsku iskaznicu saubilježnim datumom i ovjerenim ljekarskim pregledom (pečat) od strane Zdravstvene ustanove koja je određena za pregled sportista. Izuzetno, može imati zvaničnu ljekarsku potvrdu (sa tačnim datumom i pečatom ljekara i ustanove) o izvršenom ljekarskom pregledu u navedenoj zdravstvenoj ustanovi, što se može primijeniti izuzetno i samo za jednu utakmicu nakon čega pregled mora biti upisan u legitimaciju.

Specijalni ljekarski pregled važi 6 (šest) mjeseci za igrača juniora za nastup u seniorskoj ekipi, shodno članu 54. Pravilnika o nogometnim takmičenjima NS/FS BiH.

Igrač koji nije upisan u zapisnik utakmice, ili koji nije izvršio ljekarski pregled, ne može nastupati na prvenstvenim utakmicama.

Protiv kluba i igrača koji prekrši odredbe ovog člana bit će pokrenut disciplinski postupak prema odredbama Disciplinskog pravilnika NS/FS BiH.

NEODIGRAVANJE, PREKID UTAKMICE I NENASTUPANJE RADI SUSPENZIJE:

Član 33.

Ako u roku od 15 minuta od određenog vremena za početak utakmice stalnog natjecanja jedan tim ne nastupi sa potrebnim brojem igrača, sudac će priopćiti kapitenu tima koji je nastupio da se utakmica neće odigrati i to će upisati u zapisnik.

Izuzetno, u slučajevima da klub nije mogao da nastupi uslijed više sile, sudac će sačekati i nešto duže, ali će voditi računa o tome da utakmica može da se završi na vrijeme.

Ukoliko je utakmica prekinuta iz razloga više sile, a prije isteka 80 % regularnog vremena, ili nije odigrana, natjecateljski organ će utvrditi novi termin za odigravanje utakmice.

Klub koji ne uplati prvu ratu kotizacije za troškove takmičenja/natjecanja i dugovanja po odlukama disciplinskih organa iz prethodnog takmičarskog/natjecateljskog perioda, najkasnije petnaest (15) dana pred početak jesenjeg takmičenja/natjecanja, automatski je suspendiran, utakmica ovog kluba neće se igrati, a nakon dvije neodigrane utakmice smatrat će se da je klub istupio iz takmičenja/ natjecanja.

Druga rata kotizacije i kazne po odluci DK NS FBiH/disciplinskog suca imaju se platiti najkasnije petnaest (15) dana prije početka proljetne polusezone. U suprotnom, nastupa sankcija kao iz prethodnog stava ovog člana.

Delegat je obavezan na brifingu prije prve utakmice prvog dijela prvenstva, a isto tako i prije prve utakmice drugog dijela prvenstva izvršiti provjeru uplate kotizacije kao i uplate dugovanja po izrečenim disciplinskim mjerama.

Ukoliko klubovi ne prilože dokaz o uplati kotizacije i dugovanja po disciplinskim mjerama u cijelosti, delegat neće dozvoliti da se utakmica odigra o čemu će odmah obavijestiti komesara/povjerenika za takmičenje/natjecanje.

DELEGAT UTAKMICE:

Član 34.

Za sve prvenstvene utakmice, nadležni organ će delegiranjem odrediti delegata utakmice sa usvojene liste delegata Druge lige FBiH za sezonu 2016/2017, koji zastupa takmičarsko/natjecateljsko rukovodstvo i ima vrhovni nadzor na utakmici.

Nakon žrijebanja, delegat dobiva nalog Sekretarijata k/ž saveza u sjedištu lige putem interneta ili pošte, u čijem sadržaju mora biti navedeno mjesto, datum i sat odigravanja utakmice.

U slučaju da na utakmicu ne dođe određeni delegat ili njegov zamjenik, dužnost delegata će obaviti sudac susreta.

Delegat je obavezan da 90 minuta prije početka utakmice održi radni sastanak (brifing) sa predstavnicima klubova, sudijama utakmice, komesarom za bezbjednost kluba domaćina i predstavnikom policije.

Kašnjenje na radni sastanak – brifing povlači disciplinsku odgovornost.

Delegat utakmice Druge lige zapisnik i izvještaj sa utakmice sačinjava u COMET informacionom sistemu. Po završetku utakmice zapisnik sa utakmice sastavljen putem COMET informacionog sistema, usklađuju delegat i sudac, nakon čega sudac utakmice svojom šifrom zaključuje zapisnik sa utakmice. Nakon zaključivanja utakmice od strane glavnog suca, delegat je obavezan sačiniti i zaključiti izvještaj fair-playa.

Delegat utakmice je obavezan u roku od 24 sata po odigranoj utakmici ili najkasnije prvi radni dan do 11 sati, u COMET informacionom sistemu zaključiti delegatski izvještaj.

Delegat je obavezan u roku od 24 sata u k/ž savez u kojem je sjedište lige dostaviti zapečaćen DVD snimak utakmice.

Određivanje delegata za Druge lige vrše komesari/povjerenici za takmičenje/natjecanje koje odredi IO NS F BiH.

Delegat na utakmicama Druge lige daje bročanu ocjenu suđenja kroz COMET informacioni sistem, jer na tim ligama nije uvedena institucija posmatrača suđenja.

Ukoliko na utakmici dođe do incidenta, prekida utakmice i sl. delegat je obavezan u roku 24 sata dostaviti dopunsko izvješće, a na zahtjev Komisije ili Sekretarijata i u drugim situacijama. Na poziv Sekretarijata ili takmičarskog organa, delegat je dužan izvještaj ili dopunski izvještaj dostaviti i ranije.

SUCI:

Član 35.

Sve prvenstvene utakmice Druge lige Federacije mogu voditi samo suci sa ispitom i zvanjem saveznog i entitetskog nogometnog suca. Prema Pravilniku o sucima i suđenju NS/FS BiH liste sudaca su prohodne i utakmice Druge lige mogu suditi i suci sa više liste.

Određivanje sudaca za prvenstvo Druge lige delegiranje vrše komesari/povjerenici za suce koje imenuje IO NS FBiH, u saradnji sa Komisijom za suce i suđenje NS FBiH.

Sudac dobiva „nalog za suđenje“ preko COMET informacionog sistema u kojem se navode svi podaci potrebni za obavljanje dužnosti (ekipe, mjesto odigravanja utakmice, datum i vrijeme).

Član 36.

Sudac utakmice je dužan da prije početka utakmice pregleda i odluči da li je teren osposobljen za igru ili nije. Ako sudac utvrdi da je teren neuslovan za igru, to konstatira na zapisniku u skladu sa članom 39. Pravilnika o nogometnim natjecanjima NS/FS BiH i o tome obavijestiti na sastanku koji drži delegat sat i pol prije početka utakmice.

Sudac Druge lige izvještaj piše u COMET informacionom sistemu. Sudija je dužan da nakon utakmice u svom izvještaju navede podatke koji se odnose na postignute pogotke, opomenute i isključene igrače, a prema potrebi i druge podatke, ako se radi o prekidu utakmice, neredu, tuči, uključujući eventualne prijave i sl.

Ukoliko delegirani sudac ne dođe na utakmicu Druge lige, istu će suditi prvi pomoćni sudac, a ako i on ne dođe suditi će drugi pomoćni sudac.

Ukoliko na utakmicu ne dođe ni jedan od delegiranih sudaca, klubovi će se sporazumjeti da utakmicu sudi jedan od prisutnih sudaca. Ako sporazum između klubova ne bude postignut, onda će delegat odlučiti koji će od prisutnih sudaca suditi utakmicu.

Sporazum o izboru sudaca mora biti pismeno utvrđen prije početka utakmice. Zapisnik o sporazumu potpisuju oba kapetana, predstavnici klubova i delegat. Ako se klubovi nisu sporazumili o izboru suca pa je istog odredio delegat, to se mora konstatirati u posebnom zapisniku sa utakmice, koji je sastavni dio zapisnika.

Ukoliko na utakmicu ne dođe jedan ili obojica pomoćnih sudaca, glavni sudac će odlučiti o izboru pomoćnih sudaca.

Ocjenu uspješnosti suđenja za suca susreta daje delegat na posebnom obrascu za kontrolu suđenja u COMET informacionom sistemu

Protiv suca koji ne dođe na zakazanu utakmicu, povest će se disciplinski postupak prema odredbama Disciplinskog pravilnika NS/FS BiH.

SUSPENZIJA:

Član 37.

Suspendirani tim, odnosno svi timovi suspendiranog kluba, ne mogu nastupiti na prvenstvenim utakmicama sve dok traje suspenzija.

Sve odigrane utakmice u vrijeme suspenzije izrečene radi neizvršavanja pravosnažnih odluka nadležnih organa ili neizvršenja nespornih obaveza nastalih iz natjecanja predviđenih ovim Propozicijama, registrirat će se 3:0 (par-forfe) u korist protivnika.

Ako suspendirani tim nastupi na javnoj utakmici, protiv njega se pokreće disciplinski postupak prema odredbama Disciplinskog pravilnika. Kazna će se primijeniti i na klub koji nastupi protiv suspendiranog ili kažnjenog kluba ukoliko je blagovremeno a najkasnije 48 sati prije odigravanja utakmice obaviješten o suspenziji ili kazni kluba.

ŽALBE I ODLUČIVANJE PO ŽALBAMA:

Član 38.

O regularnosti utakmice stalnog takmičenja može se rješavati na osnovu žalbe oštećenog kluba i izvještaja službenih lica.

Pod oštećenim klubom u smislu prethodnog stava podrazumijeva se svaki klub koji je oštećen rezultatom utakmice na koju se ulaže žalba.

Žalbe po svim osnovama moraju se telegrafski ili faksom najaviti u roku od 24 sata po odigranoj utakmici, a pismeno obrazloženje sa dokazom o uplaćenju taksi utvrđenoj odlukom i ovim propozicijama, ima se dostaviti u roku od 48 sati po odigravanju utakmice. Ukoliko rok za najavu i ulaganje žalbe ističe u nedjelju ili na državni praznik, rok za najavu i ulaganje produžava se za prvi naredni radni dan.

Žalba se dostavlja nadležnom takmičarskom organu u dva primjerka.

Član 39.

Neblagovremeno najavljene, neobrazložene, netaksirane ili nedovoljno taksirane žalbe neće se uzimati u postupak, već će se odbaciti, a utakmica će se registrirati postignutim rezultatom.

Član 40.

Za utakmice Drugih liga o žalbama u prvom stupnju odlučuje komesar/povjerenik takmičenja/natjecanja te grupe Druge lige.

Član 41.

Žalba na prvostupanjsku odluku komesara/povjerenika za natjecanje podnosi se Apelacionoj komisiji nogometnog saveza Federacije BiH u roku od osam (8) od dana prijema pismene odluke prvostupanjskog organa, uz dokaz o uplaćenju taksi, shodno odluci IO NS FBiH o iznosu taksi, rok za žalbu može biti i skraćen ukoliko je to neophodno zbog sportskih razloga, a prema odluci nadležnog organa NS Federacije BiH.

Drugostupanjska odluka je konačna.

Protiv odluke drugostupanjskog organa, može se podnijeti zahtjev za zaštitu zakonitosti, Izvršnom odboru nogometnog saveza Federacije BiH u roku od osam (8) dana od dana prijema odluke drugostupanjskog organa.

REGISTRACIJA UTAKMICA:

Član 42.

Povjerenik/komesar za takmičenje/natjecanje vrši registraciju odigranih utakmica najkasnije u roku od 21 dan od dana odigravanja tih utakmica.

Povjerenik vrši i registraciju neodigranih i prekinutih utakmica a sve u skladu sa važećim propisima.

Povjerenik/komesar za takmičenje/natjecanje registraciju odigranih utakmica može izvršiti putem e-maila, telefona ili telefaksa.

Ako je uložena žalba, rok za registraciju utakmice produžava se do konačne odluke.

Ako na utakmicu nije uložena žalba, a ne postoje uvjeti za registraciju po službenoj dužnosti sa 3:0 (par-forfe), utakmica se registrira postignutim rezultatom.

Ako je prvostupanjaska odluka pravosnažna, ili je donesena drugostupanjaska odluka koja je konačna, jednom registrirana utakmica ne može biti poništena, izuzev u postupku pred Izvršnim odborom NS Federacije BiH.

Komesari/povjerenici za natjecanje u grupama Druge lige vrše registraciju odigranih utakmica najkasnije u roku od 21 dan od dana odigravanja utakmice.

DISCIPLINSKE ODREDBE:

Član 43.

O disciplinskim prekršajima igrača, službenih predstavnika (trener, ljekar, fizioterapeut, zvanični predstavnik kluba, komesar za sigurnost) i klubova koji sudjeluju u natjecanju, odlučuje se na osnovu Disciplinskog pravilnika NS/FS BiH i posebnih odluka IO NS FBiH.

Drugostepene odluke po žalbama na odluke disciplinskog organa donosi Apelaciona komisija, a žalba ovom organu podnosi se u roku od osam (8) dana nakon prijema pismene prvostepene odluke putem prvostepenog organa.

Drugostepene odluke o disciplinskim prekršajima su konačne.

Protiv odluke drugostepenog organa, može se podnijeti prijedlog za zaštitu zakonitosti.

Automatska kazna zabrane igranja jedne prvenstvene ili kup utakmice nastaje poslije svake treće javne opomene koju igrač dobije na prvenstvenoj ili kup utakmici u toku jedne natjecateljske godine, a automatski prestaje poslije prvenstvene ili kup utakmice na kojoj je igrač morao da pauzira, pa i u slučaju nastupa igrača pod automatskom kaznom na toj utakmici.

Javne opomene (žuti karton) radi kojih je igrač dobio crveni karton ne evidentiraju se, evidentira se samo crveni karton.

VRIJEME TRAJANJA UTAKMICE :

Član 44.

Utakmice se igraju dva puta po 45 minuta. Odmor između poluvremena traje 10 do 15 minuta.

Ova odredba je u skladu sa Pravilima nogometne igre.

FINANCIJSKE ODREDBE:

Član 45.

Klub službenim licima isplaćuje taksu, dnevnicu i putne troškove utvrđenim posebnom odlukom Izvršnog odbora NS Federacije BiH. Sve isplate vrše se poslije odigravanja utakmica, najkasnije 24 sata po odigranoj utakmici

Tehnički sekretar određene grupe Druge lige FBiH vrši obračun putnih troškova za svako kolo te grupe Druge lige FBiH i to dostavlja klubovima, najkasnije 24 sata prije odigravanja utakmice.

Ukoliko klub ne isplati službena lica ili ih djelomično isplati, klubu se ostavlja dodatni rok od 24 sata da izmiri troškove, nakon čega nastupa suspenzija do izmirenja obaveza u cijelosti.

Klub je dužan validan dokaz o svim isplatama pripadajućih troškova za službena lica, dostaviti delegatu na brifingu prije početka prve naredne utakmice.

Delegat je dužan na brifingu, sat i pol prije početka utakmice, izvršiti provjeru da li je klub isplatio pripadajuće troškove (dnevnicu, taksu, putni trošak) svakom službenom licu pojedinačno što se odnosi na prethodnu utakmicu.

Klub neće moći odigrati narednu utakmicu ukoliko delegatu utakmice ne dokaže da je finansijska obaveza sa prethodne utakmice (taksu, dnevnicu i putni trošak) u potpunosti izmirena.

Član 46.

Izvršni odbor NS Federacije BiH prije početka prvenstva donosi odluku o visini troškova natjecanja. Kotizacija za takmičenje se utvrđuje za cijelu takmičarsku/natjecateljsku sezonu uz mogućnost da klubovi uplatu izvrše u dvije rate, svaku prije početka takmičarske/natjecateljske polusezone.

Ukoliko klub odustane od takmičenja u toku takmičarske/natjecateljske sezone, obavezan je izvršiti uplatu kotizacije za takmičenje/natjecanje u cjelosti.

Uplata kotizacije vrši se na žiro račun nogometnog saveza u skladu sa važećom odlukom IO NS FBiH u iznosu, rokovima i načinu uplate kotizacije.

Neizvršenje obaveza povlači disciplinske posljedice u skladu sa odredbama Disciplinskog pravilnika N/FS BiH.

POSEBNE ODREDBE:

Član 47.

Taksa za žalbe po drugom stupnju i za preispitivanje odluka za klubove Druge lige uplaćuje se na žiro-račun nogometnog saveza Federacije BiH, a u prvom stupnju na račun pripadajućeg saveza koji tehnički vodi natjecanje.

Žiro računi NS FBiH

338-900-22059210-48, kod Unikredit banke - Sarajevo

140-102-00027143-35, kod Sberbank –Sarajevo.

Taksa za žalbe po drugom stupnju i za zaštitu zakonitosti uplaćuje se na žiro-račun nogometnog saveza Federacije BiH, a u prvom stupnju na račun pripadajućeg saveza koji tehnički vodi takmičenje/natjecanje.

Član 48.

Prvaku Druge lige Federacije dodjeljuje se pehar u trajno vlasništvo od strane saveza koji je tehnički vodio ligu.

Pehare u trajno vlasništvo mogu dobiti najbolji igrač, najbolji strijelac, pobjednik „fair-playa“ i sl.

Odluke o dodjeli pehara i priznanja donosi Izvršni odbor Nogometnog saveza Federacije BiH, na prijedlog Komisije za natjecanje. Izvršni odbor NS Federacije BiH može dodijeliti i druga priznanja.

Član 49.

Za vrijeme odigravanja prvenstvenih i kup utakmica u igralištu, pored terena za igru, u zaštićenim kabinama mogu se nalaziti slijedeće službene osobe:

- predstavnik kluba sa vidljivo istaknutom akreditacijom koju izdaje Nogometni savez Federacije BiH;

- glavni trener sa „PRO“ i „A“ **TAKMIČARSKOM AKREDITACIJOM** Centra za edukaciju kadrova N/FS BiH,

- pomoćni trener sa „PRO“, „A“ ili „B“ **TAKMIČARSKOM AKREDITACIJOM** Centra za edukaciju kadrova NS/FS BiH,

- rezervni igrači u sportskoj opremi (sedam)

- ljekar kluba sa vidljivo istaknutom ispravnom akreditacijom NS F BiH,

- fizioterapeut-maser u sportskoj opremi sa vidljivo istaknutom akreditacijom NS F BiH.

Za utakmice Druge lige važeće su **TAKMIČARSKE „PRO“, „A“ i „B“ AKREDITACIJE** Centra za edukaciju kadrova NS/FS BiH, što se smatra dozvolom za rad trenera za svaku ligu.

„C“ **TAKMIČARSKA AKREDITACIJA** Centra za edukaciju kadrova NS/FS BiH, ne vrijedi za utakmice takmičenja/natjecanja Druge lige FBiH.

Klubovi Druge lige Federacije BiH obavezni su na svim prvenstvenim i Kup utakmicama prijaviti u zapisnik minimalno jednog trenera sa odgovarajućom takmičarskom akreditacijom, koji će za vrijeme utakmice obavljati dužnost u tehničkom prostoru. Klubovi koji ne postupe u skladu sa prethodnim stavom podliježu disciplinskim sankcijama.

UTVRĐIVANJE PLASMANA I POPUNJAVANJE LIGE:

Član 50.

Plasman klubova na tabeli utvrđuje se prema odredbama člana 46. Pravilnika o nogometnim takmičenjima NS/FS BiH.

Prvu ligu Federacije po završetku takmičarske sezone 2016/2017 popunjavaju četiri klubova Druge lige FBiH: grupa „Sjever“, „Centar“, „Jug“ i „Zapad“ ukoliko klubovi ispunjavaju sve potrebne uvjete iz ovih Propozicija i ostalih odluka Izvršnog odbora NS FBiH.

Član 51.

Druga liga FBiH- grupa Sjever, Centar, Zapad i Jug popunjavaju se prvacima kantonalnih/županijskih liga ili međužupanijskih liga ako je to odobrio Izvršni odbor NS FBiH. Na kraju takmičarske sezone 2016/2017, Drugu ligu Federacije BiH napustit će onoliko klubova koliko je potrebno da bi se ove lige popunile prvacima kantonalnih/županijskih liga ili međužupanijskih liga i osigurao prostor za klubove koji napuštaju Prvu ligu Federacije a da bi te lige brojale do 16 klubova i Druga liga Zapad do 14 klubova.

ZAVRŠNE ODREDBE

Član 52.

Za sve što nije predviđeno ovim Propozicijama, važe odredbe Pravilnika o nogometnim natjecanjima NS/FS BiH, Disciplinskog pravilnika NS/FS BiH i ostalih normativnih akata NS/FS BiH i NS FBiH.

Član 53.

Izmjene i dopune ovih Propozicija vrše se prema istom postupku kao i njihovo donošenje. Stupanjem na snagu ovih Propozicija prestaju važiti odredbe Propozicija NS FBiH donesenih u junu/lipnju 2015. godine.

Član 54.

Ove Propozicije stupaju na snagu danom donošenja, a primjenjuju se za 2016/2017 natjecateljsku godinu. Propozicije objavit će u glasniku NS Federacije BiH „Nogomet u Federaciji BiH“.

PREDSJEDNIK
Mato Jozić vr.

Broj: 532/16
Sarajevo: 29.06.2016.

Izvršni odbor Nogometnog saveza Federacije Bosne i Hercegovine, na osnovu Statuta Nogometnog saveza Federacije Bosne i Hercegovine, na sjednici održanoj 29.06.2016. godine u Sarajevu donosi s l j e d e ć u:

O D L U K U
o dnevnicama, putnim troškovima,
taksama i drugim naknadama

Član 1.

Ovom odlukom utvrđuje se pravo i iznosi troškova službenih lica na utakmicama, učešća u radu organa po nalogu Nogometnog saveza Federacije BiH, kao i iznosi taksi i drugih naknada u NS Federacije BiH.

Član 2.

Za obavljanje službene dužnosti na utakmicama Prve lige FBiH, Druge lige FBiH i utakmicama završnice Kupa FBiH, učešću u radu organa i obavljanju drugih poslova, po nalogu NS Federacije BiH, utvrđuje se dnevnicu u iznosu od 25 KM.

Pravo na putne troškove, kao i dnevnicu, ima osoba koja službenu dužnost obavlja van mjesta boravka. Službene osobe u Federaciji BiH nemaju pravo na troškove noćenja. Dodatni sudac asistent (V i VI sudac) nema pravo na putne troškove.

Član 3.

Putni troškovi službenih lica za utakmice Prve lige Federacije BiH se kod korištenja ličnog prevoza isplaćuju tako što se uračunava 15 % od cijene benzina po pređenom kilometru. Ukoliko na jednoj utakmici službenu dužnost sudije obavlja više osoba iz istog mjesta, k/ž saveza ili pravca, i koriste jedno vozilo, isplaćuju se dodatni troškovi od po 5 % cijene benzina za svaku dodatnu osobu po pređenom kilometru.

Član 4.

Sudiji, delegatu i posmatraču kada obavlja dužnost po nalogu NS Federacije BiH, pripada sljedeća taksa:

a) delegatu na utakmici Prve lige Federacije BiH	150 KM
b) posmatraču na utakmici Prve lige Federacije BiH	140 KM
c) sudiji na utakmici Prve lige Federacije BiH	170 KM
d) asistentu sudije Prve lige Federacije BiH	140 KM
e) četvrtom sudiji na utakmici Prve lige Federacije BiH	80 KM
f) dodatni sudac asistent na utakmici Prve lige FBiH	70 KM
g) delegatu na utakmici Druge lige FBiH	80 KM
h) sudiji na utakmici Druge lige FBiH	80 KM
i) Asistentu sudije na utakmici Druge lige FBiH	70 KM

Član 5.

Navedene iznose naknada za službena lica (sudija, delegat i posmatrač) klub je obavezan uplatiti svakoj službenoj osobi pojedinačno, najkasnije 24 sata po odigranoj utakmici. Ukoliko klub ne isplati službena lica ili ih djelimično isplati, klubu se ostavlja rok od dodatna 24 sata da izmiri troškove, nakon čega nastupa suspenzija do izmirenja obaveza u cijelosti.

Validnu kopiju dokaza uplate službenim licima (sudija, delegat i posmatrač) klub je obavezan dostaviti delegatu na brifingu prije početka naredne utakmice, što će delegat precizno utvrditi prije utakmice. Ukoliko klub ne dokaže delegatu da je izvršio uplatu obaveze iz prethodne utakmice (taksa, dnevnicu, putni trošak), usljed automatske suspenzije klubu neće biti dozvoljeno da odigra utakmicu.

Član 6.

Za obavljanje dužnosti na sjednici organa NS FBiH, osobi-članu organa pripada taksa u iznosu od 40 KM, a putni troškovi se isplaćuju prema cijeni korištenja prevoza, a kod korištenja ličnog vozila uračunava se 15 % od cijene benzina po pređenom kilometru.

Za obavljanje ispita, testiranja i predavanja, osobi pripada taksa u iznosu od 30 KM po održanom satu (u jednom danu najviše tri sata) što isključuje taksu iz prethodnog stava.

Predavaču pripada taksa za jedan sat, za pripremu predavanja, ukoliko ima više od jednog sata predavanja.

Članu komisije za obavljanje dužnosti na utakmici praktičnog dijela ispita za entitetskog sudiju pripada naknada od 100 KM ukoliko je iz istog kantonalnog/županijskog nogometnog saveza odakle je i sudija, a 200 KM ukoliko je iz drugog kantonalnog/županijskog nogometnog saveza.

Za troškove izrade diplome entitetskog suca ili instruktora na žiro račun NS FBiH uplaćuje se 50 KM.

Član 7.

Za pregled i prijem terena kluba Prve lige Federacije BiH i kluba koji se plasira u Prvu ligu Federacije BiH uplaćuje se na račun NS FBiH iznos od 400 KM za troškove komisije. Za pregled i prijem terena klubova Druge lige Federacije BiH uplaćuje se na račun NS Federacije BiH iznos od 300 KM za troškove komisije.

Članovima komisije pripadaju dnevnice, putni troškovi i taksa u iznosu od 40 KM po jednom terenu koje isplaćuje NS FBiH.

Klub je obavezan komisiji staviti na uvid dokaz o uplaćenju taksi. Komisija za pregled i prijem terena, koju kao privremeni organ određuje generalni sekretar, sastavljena je od najviše tri člana i to: Takmičarske komisije, Komisije za suce i Sekretarijata NS Federacije BiH.

Član 8.

Uz zahtjev i žalbe koje rješavaju organi Nogometnog saveza Federacije BiH uplaćuju se sljedeće takse:

a) u prvom stepenu

- klubovi.....400 KM
- pojedinci.....200 KM

b) u drugom stepenu

- klubovi.....800 KM
- pojedinci.....400 KM

c) Uz zahtjeve koje rješava Izvršni odbor NS FBiH, a koje se odnose na odluku drugostepenih organa, uplaćuje se taksa kao u tački **b.** ovog člana.

d) Uz zahtjev kluba Prve lige FBiH za superviziju utakmice Prve lige, na račun NS FBiH klub je obavezan uplatiti 400 KM.

Uz zahtjev kluba Druge lige FBiH za superviziju utakmice Druge lige, na račun NS FBiH klub je obavezan uplatiti 300 KM.

Član 9.

Utvrđuje se polugodišnja članarina za službena lica Prve lige FBiH (sudije, delegati, posmatrači suđenja) u iznosu od 100 KM, koja se uplaćuje na žiro račun NS FBiH najkasnije prije početka seminara jesenjeg/proljetnog dijela sezone.

Član 10.

Godišnja pretplata na Službeni glasnik NS FBiH „NOGOMET U FEDERACIJI BiH“ iznosi 200 KM.

Član 11.

Uplata taksi i drugih naknada vrši se na račun NS Federacije BiH broj:
UNIKREDIT BANKA 338-900-22059210-48
SBERBANK 140-102-00027143-35.

Član 12.

Odluka stupa na snagu danom donošenja, a primjenjuje se danom objave u Službenom glasniku „NOGOMET U FEDERACIJI BiH“.

Član 13.

Stupanjem na snagu ove Odluke prestaju da važe odluke i propisi kojima su bila regulisana ova pitanja.

PREDSJEDNIK

Mato Jozić vr.

Broj: 533/16
Sarajevo: 29.06.2016.

Izvršni odbor Nogometnog saveza Federacije Bosne i Hercegovine, na osnovu Statuta Nogometnog saveza Federacije Bosne i Hercegovine, na sjednici održanoj 29.06.2016. godine u Sarajevu donosi s l j e d e ć u:

O D L U K U
o visini novčanih kazni za klubove, igrače,
funkcionere i stručna lica

Član 1.

Ovom odlukom utvrđuju se iznosi novčanih kazni za klubove, igrače, funkcionere i stručna lica u takmičenjima kojima rukovodi Nogometni savez Federacije BiH.

Član 2.

Visina novčanih kazni koje izriče Disciplinska komisija Nogometnog saveza Federacije BiH iznosi:

- a)** za izrečene javne opomene igrača kazna iznosi 50 KM,
- b)** za isključene igrače kazna iznosi 100 KM,
- c)** za udaljenje stručnih lica i funkcionera kazna iznosi od 300 do 1.000 KM,
- d)** za nesportsko ili nasilno ponašanje navijača za Prvu ligu FBiH kazna iznosi od 1.000 do 5.000 KM,
- e)** za ubacivanje čvrstih predmeta na teren ili među navijače kazna iznosi od 1.000 do 3.000 KM,
- f)** za ubacivanje petardi ili drugih zapaljivih predmeta na teren ili među navijače kazna iznosi od 500 do 5.000 KM,
- g)** za onemogućavanje snimanja utakmice predstavnicima ovlaštene TV kuće ili gostujućem klubu kazna iznosi od 1.000 do 5.000 KM,
- h)** za nedolazak ili zakašnjenje na utakmicu, nedostavljanje ili neblagovremeno dostavljanje izvještaja, podataka, izjava i drugo, pružanje lažnih izvještaja, podataka i izjava ili dovođenja u zabludu, po službenoj dužnosti ili po zahtjevu NS FBiH od strane službenih osoba- kazna delegatu, posmatraču ili sudiji iznosi od 200 do 1.000 KM,
- i)** za neblagovremenu isplatu naknada službenim licima ili dostavljanje lažnih podataka o isplati ili dovođenja u zabludu organa Saveza s tim u vezi, kazna iznosi od 300 do 1.000 KM. Za sve ostalo što nije predviđeno ovom odlukom, primjenjuje se DP NS/FS BiH,
- j)** Klub Druge lige NS FBiH grupa „Centar“, „Zapad“, „Sjever“ i „Jug“ koji ne organizuje utakmicu u skladu sa propisima nadležnog nogometnog rukovodstva, ne odredi redare ili ih odredi u nedovoljnom broju i drugo, a u smislu člana 55. Disciplinskog pravilnika NS/FS BiH će biti kažnjen novčanom kaznom od 300 KM do 1.000 KM, a u težem ili ponovljenom slučaju novčanom kaznom od 1.000 KM do 2.000 KM,
- k)** Klub Druge lige NS FBiH grupa „Centar“, „Zapad“, „Sjever“ i „Jug“ koji je prema propisima obavezan, a ne snimi utakmicu u skladu sa uputstvom o snimanju utakmica Druge lige FBiH broj: 801/13, ili koji ne dozvoli gostujućem klubu snimanje utakmice, klub koji u propisanom roku nadležnom organu ne dostavi video-materijal sa utakmice ili ga dostavi u neispravnom ili neupotrebljivom slučaju će biti kažnjen novčanom kaznom od 500 KM do 2.500 KM,

Član 3.

Visina izrečenih novčanih kazni za klubove, igrače, stručna lica i funkcionere na nivou Druge lige FBiH iznosi 70 % naprijed navedenih iznosa u članu 2. ove odluke izuzev tačke **j)** i **k)**, s tim što novčana kazna za javnu opomenu (žuti karton) na nivou Druge lige FBiH iznosi 25 KM.

Član 4.

Za omladinska takmičenja, kao i za takmičenja u malom i ženskom nogometu navedeni iznosi iz člana 2. ove odluke se umanjuju za 50%, izuzev što novčana kazna za javnu opomenu na utakmicama omladinske lige (žuti karton) iznosi 10 KM.

Član 5.

Kazne po izrečenim odlukama nadležnog disciplinskog organa klubovi Prve, Omladinske lige, Futsal lige i Ženske lige uplaćuju na žiro-račun NS Federacije BiH, a klubovi Druge lige FBiH kantonalnom/županijskom savezu u kojem je sjedište lige za takmičarski period za koji je izrečena kazna.

Član 6.

Ova Odluka stupa na snagu danom donošenja, a primjenjivat će se od takmičarske 2016/2017 godine.

Član 7.

Stupanjem na snagu ove Odluke prestaju da važe odluke i propisi kojima su bila regulisana ova pitanja.

PREDSJEDNIK

Mato Jozić vr.

Broj: 534/16
Sarajevo: 29.06.2016.

Izvršni odbor Nogometnog saveza Federacije Bosne i Hercegovine, na osnovu Statuta Nogometnog saveza Federacije Bosne i Hercegovine, na sjednici održanoj 29.06.2016. godine u Sarajevu donosi s l j e d e ć u:

ODLUKU
o načinu vođenja natjecanja
u Drugoj ligi FBiH

Član 1.

Ovom odlukom utvrđuje se jednoobrazan način izvođenja takmičenja u grupama Druge lige Federacije BiH čije sjedište NS FBiH na vremenski period utvrđen posebnom odlukom ustupa k/ž savezima, kao i uređenje međusobnih finansijskih i drugih odnosa između NS FBiH te kantonalnih/županijskih saveza koji učestvuju u takmičenju određene grupe Druge lige FBiH.

Član 2.

NS FBiH povjerava vođenje takmičenja određenim k/ž savezima radi ravnomjernog vođenja takmičenja, a svake godine se vrši rotiranje sjedišta svake grupe Druge lige, kao i takmičarskih organa svake grupe Druge lige FBiH.

Član 3.

Od ukupne kotizacije za 16 klubova u iznosu od =64.000 KM podmiruju se troškovi vođenja natjecanja u iznosu od =20.000 KM i pristojba NS FBiH 25% od =16.000 KM.

Ostatak sredstava od kotizacije u iznosu od =28.000 KM dijeli se na k/ž saveze, proporcionalno broju klubova koji se natječu u toj grupi Druge lige FBiH.

Za grupu Druge lige FBiH koja ima 14 klubova, od ukupnog iznosa kotizacije = 56.000 KM utvrđuju se troškovi vođenja natjecanja u iznosu od = 17.500 KM i pristojba NS FBiH 25% od = 14.000 KM od ukupnog iznosa kotizacije. Ostatak sredstava od kotizacije =24.500 KM dijeli se na k/ž saveze proporcionalno broju klubova koji se natječu u toj grupi Druge lige FBiH.

Navedeni iznosi važe za cijelu natjecateljsku sezonu.

Ukoliko neka liga starta sa manjim brojem klubova od utvrđenog broja klubova za svaku grupu Druge lige FBiH, proporcionalno se umanjuju pripadajući iznosi.

Ukoliko neki klub odustane od takmičenja, umanjuju se predviđeni iznosi iz prethodnih stavova ovog člana Odluke k/ž savezu iz kojeg je klub koji je odustao od takmičenja.

Član 4.

Prva polovica iznosa iz prethodnog člana uplaćuje se na žiro račune saveza najkasnije sedam dana po početku jesenskog dijela tekuće sezone, a druga polovica najkasnije sedam dana po početku proljetnog dijela tekuće sezone.

K/ž savez u kojem je sjedište lige, putem imenovanih natjecateljskih organa, dužan je da se primjenom važećih propisa NS FBiH i NS/FS BiH stara o rokovima i uplatama kotizacije od strane klubova koji sudjeluju u natjecanju i vrši dosljednu primjenu važećih propisa.

Član 5.

Svi klubovi koji sudjeluju u natjecanju, kotizaciju su obavezni uplatiti na žiro račun Saveza u kojem je sjedište određene grupe Druge lige.

Pristojbe za javne opomene, isključenja i ostale disciplinske mjere izrečene od nadležnog disciplinskog organa uplaćuju se na žiro-račune saveza koji vode ili su vodili natjecanje kada su te kazne izrečene.

Član 6.

Svi ostali prihodi od vođenja natjecanja pripadaju k/ž savezu koji vodi natjecanje. Ostali mogući troškovi oko vođenja natjecanja koji nisu predvidivi, a nisu predmet obračuna po prethodnim točkama, spadaju na trošak k/ž saveza koji vodi natjecanje.

Član 7.

Savez koji vodi natjecanje za natjecateljsku sezonu daje povjerenika/komesara za natjecanje i tehničkog tajnika/sekretara, a ostala dva saveza daju povjerenika/komesara za suđenje i disciplinskog suca, sve naizmjenično, što se odnosi na grupu Druge lige u kojoj sudjeluju klubovi iz tri k/ž saveza.

Savez koji vodi natjecanje za natjecateljsku sezonu daje povjerenika/komesara za natjecanje i tehničkog tajnika/sekretara, a drugi savez daje povjerenika/komesara za suđenje i disciplinskog suca, sve naizmjenično, što se odnosi na grupu Druge lige u kojoj sudjeluju klubovi iz dva k/ž saveza.

Član 8.

Povjerenik/komesar za suđenje vrši delegiranje sudaca za utakmice Druge lige FBiH u saradnji sa Komisijom za suce i suđenje NS FBiH.

Analizu suđenja svake grupe Druge lige vrši komesar/povjerenik za suđenje na osnovu detaljne analize izvještaja o kontroli suđenja i pregledom video zapisa sa utakmica.

Tehnički sekretar lige prisustvuje analizi suđenja, vodi zapisnik te isti uredno i u roku od 72 sata nakon svake sjednice dostavlja Komisiji za suce i suđenje NS FBiH.

Povjerenik za suce Druge lige FBiH analize suđenja i delegiranja vrši u k/ž savezu u kojem je sjedište Druge lige.

Periodične analize suđenja vrše se zajedno sa Komisijom za suce i suđenje NS FBiH i to najmanje dva puta u toku jedne polusezone. Komisija za suce NS FBiH vrši analizu na način što će izvršiti pregled video-zapisa „spornih situacija“ koje pripremi povjerenik za suđenje u saradnji sa tehničkim sekretarom, a na prijedlog natjecateljskih organa, drugih sudionika u natjecanju ili po mišljenju Komisije. Komisija za suce zapisnički će izvršiti verificiranje svih ocjena nakon svake analize, uz analizu i vođenje posebne evidencije svih korigiranih ocjena od strane povjerenika.

Konačne ocjene i liste uspješnosti sudaca Druge lige FBiH, po prijedlogu povjerenika a na osnovu svih relevantnih parametara, utvrdit će Komisija za suce i suđenje NS FBiH.

Za obavljanje poslova i zadataka povjerenik za suce Druge lige FBiH odgovoran je Izvršnom odboru NS FBiH, a kontrolu rada vršit će Komisija za suce i suđenje NS FBiH

Član 9.

Povjerenik/komesar za takmičenje vrši delegiranje delegata za utakmice Druge lige FBiH u saradnji sa Komisijom za takmičenje NS FBiH.

Analizu rada delegata vrši povjerenik za natjecanje, a na osnovu detaljne analize zapisnika sa utakmice i delegatskog izvještaja.

Tehnički sekretar lige prisustvuje analizi rada delegata, vodi zapisnik te isti uredno i u roku od 72 sata nakon svake sjednice dostavlja Komisiji za takmičenje NS FBiH.

Povjerenik za natjecanje će periodične analize takmičenja i obavljanja dužnosti delegata vršiti zajedno sa Komisijom za natjecanje u NS FBiH i to najmanje dva puta u toku jedne polusezone.

Analizu izvještaja kontrole suđenja sa svake utakmice vrši komesar/povjerenik za suce, kao stručno lice, što će komesar/povjerenik za takmičenje obavezno uzeti u obzir prilikom vrjednovanja obavljanja delegatske dužnosti i prijedloga liste uspješnosti.

Konačne liste uspješnosti delegata Druge lige FBiH, po prijedlogu povjerenika a na osnovu svih relevantnih parametara, utvrdit će Komisija za natjecanje NS FBiH.

Za obavljanje poslova i zadataka povjerenik za takmičenje Druge lige FBiH odgovoran je Izvršnom odboru NS FBiH, a kontrolu rada vršit će Komisija za takmičenje NS FBiH.

Član 10.

Tehnički sekretar/tajnik Druge lige FBiH u savjetodavnom svojstvu prisustvuje sjednicama povjerenika za natjecanje, povjerenika za suce i disciplinskog suca, te opslužuje rad takmičarskih organa.

Tehnički sekretar/tajnik Druge lige FBiH zadužen je za pripremu svih materijala za sjednice takmičarskih organa, te dostavljanje odluka svim klubovima iz takmičenja.

Tehnički sekretar/tajnik Druge lige vrši svu korespondenciju između k/ž saveza u kojem je sjedište lige, natjecateljskih organa i NS Federacije BiH.

Tehnički sekretar/tajnik Druge lige vrši svu korespondenciju između klubova, natjecateljskih organa i NS Federacije BiH.

Tehnički sekretar/tajnik Druge lige obavezan je natjecateljske organe i sve klubove Druge lige pravovremeno i na propisan način obavještavati o svim odlukama i propisima NS FBiH i NS/FS BiH, kao i o svim pojedinostima vezano za takmičenje (tabele, delegiranja, odluke i dopise takmičarskih organa, pregled javnih opomena, suspenzije igrača, obračun putnih troškova i drugo).

Troškove dolaska povjerenika na zajedničke sastanke i analize sa Komisijom NS FBiH snosi k/ž savez kojem je od NS FBiH povjereno sjedište grupe Druge lige FBiH.

Natjecateljske organe imenuje Izvršni odbor NS FBiH, u skladu sa važećim kriterijima za imenovanje natjecateljskih organa.

Savez kojem je odlukom IO NS FBiH povjereno vođenje Druge lige FBiH pripadaju svi prihodi od seminara, a na čiji teret spadaju i svi rashodi uz obavezu isplate predavača na seminarima.

Član 11.

Natjecateljski organi dužni su u skladu sa propisanim nadležnostima i važećim propisima pravovremeno donijeti odluke o suspendiranju klubova koji nisu izmirili svoje prethodne finansijske obaveze i propisno ih primijeniti.

K/ž savezima koji iz prethodnog perioda imaju neizmirena dugovanja prema NS FBiH ili drugim k/ž savezima po osnovu vođenja natjecanja i drugo, neće biti povjereno vođenje Druge lige sve do izmirenja obaveza u cijelosti.

Član 12.

Za rješavanje svih sporova vezano za vođenje takmičenja u Drugoj ligi FBiH nadležan je Izvršni odbor NS FBiH.

Odluka stupa na snagu danom donošenja a stupanjem na snagu ove odluke prestaju da važe propisi kojima su ova pitanja bila prethodno regulisana.

PREDSJEDNIK

Mato Jozić vr.

Broj: 535/16
Sarajevo: 29.06.2016.

Izvršni odbor Nogometnog saveza Federacije Bosne i Hercegovine, na osnovu Statuta Nogometnog saveza Federacije Bosne i Hercegovine, na sjednici održanoj 29.06.2016. godine u Sarajevu donosi s l j e d e ć u:

O D L U K U
o sjedištu i takmičarskim organima
grupa Druge lige NS Federacije BiH
u takmičarskoj 2016/2017 godini

Član 1.

Ovom odlukom Izvršni odbor Nogometnog saveza Federacije BiH određuje sjedišta i takmičarske/natjecateljske organe grupa Druge lige FBiH: „Sjever“, „Centar“, „Jug“ i „Zapad“ u takmičarskoj 2016/2017 godini.

Član 2.

Takmičarski/natjecateljski organi grupa Druge lige Nogometnog saveza Federacije BiH su:

- komesar/povjerenik takmičenja/natjecanja;
- komesar/povjerenik za određivanje sudija/sudaca;
- disciplinski sudija/sudac;
- tehnički sekretar/tajnik.

Član 3.

Sjedište Druge lige „**SJEVER**“ u takmičarskoj 2016/2017 godini je u **NS Tuzlanskog kantona**.

Komesar/povjerenik takmičenja/natjecanja je iz **NS Posavske Tuzlanskog kantona**.

Komesar/povjerenik za suce/sudije je iz **NS Posavske županije- Orašje**.

Disciplinski sudac/sudija je iz **NS Posavske županije- Orašje**.

Tehnički sekretar/tajnik je iz **NS Tuzlanskog kantona**.

Član 4.

Sjedište Druge lige „**CENTAR**“ za takmičarsku 2016/2017 godinu je u **FS Bosansko-podrinjskog kantona**.

Komesar/povjerenik takmičenja/natjecanja je iz **FS Bosansko-podrinjskog kantona**.

Komesar/povjerenik za suce/sudije je iz **FS Kantona Sarajevo**.

Disciplinski sudac/sudija je iz **NS Zeničko-dobojskog kantona**.

Tehnički sekretar/tajnik je iz **FS Bosansko-podrinjskog kantona**.

Član 5.

Sjedište Druge lige „**JUG**“ u takmičarskoj 2016/2017 godini je u **ŽNS Hercegbosanskom**.

Komesar/povjerenik takmičenja/natjecanja je iz **ŽNS Hercegbosanskog**.

Komesar/povjerenik za suce/sudije je iz **NS Hercegovacko-neretvanskog kantona/ županije**.

Disciplinski sudac/sudija je iz **ŽNS Zapadnohercegovačkog**

Tehnički sekretar/tajnik je iz **ŽNS Hercegbosanskog**.

Član 6.

Sjedište Druge lige „**ZAPAD**“ u takmičarskoj 2016/2017 godini je u **NS Unsko-sanskog kantona**.

Komesar/povjerenik takmičenja/natjecanja je iz **NS Unsko-sanskog kantona**.

Komesar/povjerenik za suce/sudije je iz **NS Srednjobosanskog kantona/Kantona središnja Bosna**.

Disciplinski sudac/sudija je iz **NS Srednjobosanskog kantona/Kantona središnja Bosna**.

Tehnički sekretar/tajnik je iz **NS Unsko-sanskog kantona**.

Član 7.

Sjedište grupe Druge lige FBiH ne može od strane NS FBiH biti povjereno kantonu/županiji koji u toj takmičarskoj sezoni nema klub u takmičenju iste lige.

Sjedište grupe Druge lige ne može biti povjereno kantonu/županiji koji nije izmirio sve ranije obaveze prema NS FBiH po osnovu utvrđenog dijela kotizacije ili ostale finansijske obaveze iz prethodnih perioda.

Član 8.

Odluka stupa na snagu danom donošenja i obavljuje se u službenom glasniku NS FBiH.

PREDSJEDNIK

Mato Jozić vr.

Broj: 536/16
Sarajevo: 29.06.2016.

Izvršni odbor Nogometnog saveza Federacije Bosne i Hercegovine, na osnovu Statuta Nogometnog saveza Federacije Bosne i Hercegovine, na sjednici održanoj 29.06.2016. godine u Sarajevu donosi s l j e d e ć u:

O D L U K U
o imenovanju tehničkih sekretara/tajnika
takmičarskih organa grupa Druge lige NS FBiH

Član 1.

Ovom odlukom vrši se imenovanje tehničkih sekretara/tajnika grupa Druge lige NS FBiH, vremenski period na koji se vrši imenovanje, kao i iznos naknade koji im pripada.

Član 2.

Za tehničkog sekretara/tajnika takmičarskih organa Druge lige "Sjever", za sezonu 2016/2017 godine, imenovan je: **Arnautović Midhat**.

Za tehničkog sekretara/tajnika takmičarskih organa Druge lige "Centar", za sezonu 2016/2017 godine, imenovan je: **Čovčić Ferid**.

Za tehničkog sekretara/tajnika takmičarskih organa Druge lige "Jug", za sezonu 2016/2017 godine, imenovan je: **Ivan Tabak**.

Za tehničkog sekretara/tajnika takmičarskih organa Druge lige "Zapad", za sezonu 2016/2017 godine, imenovan je: **Kazlagić Mirza**.

Član 3.

Sekretarima/tajnicima iz tačke 2. za izvršenje obaveza pripada mjesečna naknada u iznosu od 300 KM u mjesecima izvođenja takmičenja (avgust, septembar, oktobar, novembar i decembar 2016. godine, te februar, mart, april, maj i juni 2017. godine), a iz sredstava koji NS FBiH ustupa na ime troškova izvođenja takmičenja za svaku grupu Druge lige posebno.

Član 4.

Za obavljanje poslova i zadataka koji proizilaze iz organizacije izvođenja takmičenja Druge lige Federacije BiH imenovani su odgovorni Izvršnom odboru NS Federacije BiH. Kontrolu rada organa vršiče generalni sekretar i Sekretarijat za takmičenje NS FBiH, a posebna zaduženja tehničkih sekretara/tajnika propisana su odlukom Izvršnog odbora NS FBiH o načinu vođenja natjecanja u Drugoj ligi FBiH.

PREDSJEDNIK

Mato Jozić vr.

Broj: 538-I/16
Sarajevo: 29.06.2016.

Izvršni odbor Nogometnog saveza Federacije Bosne i Hercegovine, na osnovu Statuta Nogometnog saveza Federacije Bosne i Hercegovine, na sjednici održanoj Sarajevo: 29.06.2016. godine u Sarajevu donosi s l j e d e ć u:

O D L U K U
o kotizaciji za takmičenje
klubova Prve lige Federacije BiH

Član 1.

Ovom odlukom utvrđuje se iznos kotizacije za takmičenje klubova Prve lige Federacije Bosne i Hercegovine za jednu takmičarsku sezonu, kao i rokovi uplate utvrđenog iznosa.

Član 2.

Kotizacija za klubove Prve lige Federacije BiH iznosi 10.000 (desethiljada) KM.

Član 3.

Sredstvima iz kotizacije finansira se rad organa, koji u procesu takmičenja razmatraju pitanja takmičenja i donose odluke u vezi sa takmičenjem, kao i izvršavanje administrativno-tehničkih poslova.

Član 4.

Uplata kotizacije može se izvršiti u dva jednaka dijela, s tim što se prvi dio uplaćuje najkasnije petnaest (15) dana prije početka jesenjeg, a drugi dio najkasnije petnaest (15) dana prije početka proljetnog dijela prvenstva.

Član 5.

Uplata kotizacije se vrši na žiro-račun NSFederacije BiH broj:
338-900-22059210-48 kod Unikredit banke ili
140-102-00027143-35 kod Sberbank.

Član 6.

Klub koji ne izvrši obaveze u roku iz člana 4. ove odluke, ne može nastupiti u takmičenju Prve lige Federacije BiH.

Član 7.

Odluka stupa na snagu danom donošenja, a primjenjuje se od takmičarske 2016/2017 godine.

PREDSJEDNIK

Mato Jozić vr.

Broj: 538-II/16
Sarajevo: 29.06.2016.

Izvršni odbor Nogometnog saveza Federacije Bosne i Hercegovine, na osnovu Statuta Nogometnog saveza Federacije Bosne i Hercegovine, na sjednici održanoj Sarajevo: 29.06.2016. godine u Sarajevu donosi s l j e d e ć u:

O D L U K U
o kotizaciji za takmičenje klubova
Druge lige Federacije BiH

Član 1.

Ovom odlukom utvrđuje se iznos kotizacije za takmičenje klubova Druge lige Federacije BiH za jednu takmičarsku sezonu, kao i rokovi uplate utvrđenog iznosa.

Član 2.

Kotizacija za klubove Druge lige Federacije BiH iznosi 4.000 (četirihiljade) KM.

Član 3.

Sredstvima iz kotizacije finansira se rad organa koji u procesu takmičenja razmatraju pitanja takmičenja i donose odluke u vezi sa takmičenjem, kao i izvršavanje administrativno-tehničkih poslova.

Član 4.

Uplata kotizacije može se izvršiti u dva jednaka dijela, s tim što se prvi dio uplaćuje najkasnije petnaest (15) dana prije početka jesenjeg, a drugi dio najkasnije petnaest (15) dana prije početka proljetnog dijela prvenstva.

Član 5.

Uplata kotizacije vrši se na žiro-račune kantonalnih/županijskih saveza u sjedištima grupa Druge lige FBiH, koji su u roku od sedam dana po početku prvenstva obavezni uplatiti pripadajući dio kotizacije NS FBiH u visini od dvadeset pet (25) procenata na račune NS Federacije BiH:

338-900-22059210-48 kod Unikredit banke ili
140-102-00027143-35 kod Sberbank.

Član 6.

Klubovi koji ne izvrše obaveze u roku, iz člana 4. ove odluke, ne mogu nastupiti u takmičenju Druge lige NS Federacije BiH.

Član 7.

Ova odluka stupa na snagudanom donošenja, a primjenjuje se od takmičarske 2016/2017 godine.

PREDSJEDNIK

Mato Jozić vr.

Broj: 538-III/16
Sarajevo: 29.06.2016.

Izvršni odbor Nogometnog saveza Federacije Bosne i Hercegovine, na osnovu Statuta Nogometnog saveza Federacije Bosne i Hercegovine, na sjednici održanoj 29.06.2016. godine u Sarajevu donosi s l j e d e ć u:

ODLUKU
o kotizaciji za takmičenje
klubova Omladinske lige „Centar“ i „Jug“

Član 1.

Ovom odlukom utvrđuje se iznos kotizacije za takmičenje klubova Omladinske lige BiH-grupa „Centar“ i „Jug“ za jednu takmičarsku sezonu, kao i rokovi uplate utvrđenog iznosa.

Član 2.

Kotizacija za klub Omladinske lige iznosi 1.200 (hiljadudvijestotine) KM.

Član 3.

Sredstvima iz kotizacije finansira se rad organa, koji u procesu takmičenja razmatraju pitanja takmičenja i donose odluke u vezi sa takmičenjem, kao i izvršavanje administrativno-tehničkih poslova.

Član 4.

Uplata kotizacije može se izvršiti u dva jednaka dijela, s tim što se prvi dio uplaćuje najkasnije petnaest (15) dana prije početka jesenjeg, a drugi dio najkasnije petnaest (15) dana prije početka proljetnog dijela prvenstva.

Član 5.

Uplata kotizacije se vrši na žiro-račun NSFederacije BiH broj:
338-900-22059210-48 kod Unikredit banke ili
140-102-00027143-35 kod Sberbank.

Član 6.

Troškove kotizacije za takmičenje snosit će klubovi Omladinske lige BiH ili će uplatu izvršiti NS/FS BiH kao pomoć klubovima Omladinske lige BiH grupa Sjever, Centar, Zapad i Jug, te će u tom slučaju klubovi Omladinske lige BiH biti oslobođeni plaćanja kotizacije.

Član 7.

Klub koji ne izvrši obaveze u roku iz člana 4. ove odluke, ne može nastupiti u takmičenju Omladinske lige BiH.

Član 8.

Odluka stupa na snagu danom donošenja, a primjenjuje se od takmičarske 2016/2017 godine.

PREDSJEDNIK

Mato Jozić vr.

Broj: 538-IV/16
Sarajevo: 29.06.2016.

Izvršni odbor Nogometnog saveza Federacije Bosne i Hercegovine, na osnovu Statuta Nogometnog saveza Federacije Bosne i Hercegovine, na sjednici održanoj 29.06.2016. godine u Sarajevu donosi s l j e d e ć u:

O D L U K U
o kotizaciji za takmičenje
Prve i Druge ženske lige FBiH za seniorke

Član 1.

Ovom odlukom utvrđuje se iznos kotizacije za takmičenje klubova Prve i Druge ženske nogometne lige FBiH za seniorke za jednu takmičarsku sezonu, kao i rokovi uplate utvrđenog iznosa.

Član 2.

Kotizacija za klub Prve ženske nogometne lige FBiH za seniorke 1.200 (hiljadudvjestotine) KM.

Član 3.

Kotizacija za klub Druge ženske nogometne lige FBiH za seniorke 1.000 (jednuhiljadu) KM.

Član 4.

Sredstvima iz kotizacije finansira se rad organa, koji u procesu takmičenja razmatraju pitanja takmičenja i donose odluke u vezi sa takmičenjem, kao i izvršavanje administrativno-tehničkih poslova.

Član 5.

Uplata kotizacije može se izvršiti u dva jednaka dijela, s tim što se prvi dio uplaćuje najkasnije petnaest (15) dana prije početka jesenjeg, a drugi dio najkasnije petnaest (15) dana prije početka proljetnog dijela prvenstva.

Član 6.

Uplata kotizacije se vrši na žiro-račun NSFederacije BiH broj:
338-900-22059210-48 kod Unikredit banke ili
140-102-00027143-35 kod Sberbank.

Član 7.

Klubovi su olobođeni plaćanja 50 % troškova kotizacije za takmičenje kojiće biti uplaćeni iz sredstava za razvoj ženskog nogometa.

Uplata preostalih 50 % kotizacije (600 KM po klubu Prve lige FBiH i 500 KM po klubu Druge lige FBiH) može se izvršiti u dva jednaka dijela, s tim što se prvi dio uplaćuje najkasnije petnaest (15) dana prije početka jesenjeg, a drugi dio najkasnije petnaest (15) dana prije početka proljetnog dijela prvenstva.

Član 8.

Klub koji ne izvrši obaveze u roku iz člana 4. ove odluke, ne može nastupiti u takmičenju Prve ženske nogometne lige FBiH za seniorke

Član 9.

Odluka stupa na snagu danom donošenja, a primjenjuje se od takmičarske 2016/2017 godine.

PREDSJEDNIK

Mato Jozić vr.